

濮州志卷之五



郡人李先芳編次

王言紀

成化十年十月初九日

勅河南按察司僉事馮昱

曩因各處流民多有開封

中間或有竊掠財畜強占田地擾擾居民抗拒官
府者已嘗命人撫治今特命爾前去同都司布政
司撫民官往來巡視提督所在軍衛有司撫治一
應附籍安插并陸續遷移人民令其各守法度本
分生理敢有恃頑不聽禁約仍前生事非為者聽
爾挈問懲戒情輕者就彼依律發落罪重者解京
處治其嵩縣內鄉境內俱產有銀砂不許人民聚
衆偷採且河南為中州重地其西南山川之險與

陝西湖廣相接邊移調住者寂衆尤宜緊要巡視禁約或寇盜生發即調所在官軍擒捕盡絕仍命爾兼管河南都司所屬衛所屯種照例期比較務拉禁革奸弊如有奸頑之徒投託營求差占不務本等屯田及侵用于粒并違期不納者聽爾率問懲治應奏請者奏請區處爾須持廉秉公竭慮盡心正已率下撫恤軍民務俾事安人安地方寧靖斯稱委任若因循怠忽苟且偷安或處置乖方致生不靖必重罪不宥爾其勉之慎之故劾

弘治三年七月十五日

勅諭都察院右副都御史劉忠

今特命爾前去巡撫

各路地方訓練軍馬整飭邊備防禦賊寇督理屯田糧草備荒水利衣甲器械務要整備鋒利沿邊各城堡墩臺濠塹尤要照依榜例督令以時修整糧草務必充足尤須撫恤士卒禁約管軍頭目不

許貪圖財利科尅下人及後占軍餘私營家產違者輕則量情發落重則奏聞區處一應軍務事情聽爾從宜處置該與鎮守總兵等官會同者須公同從長計議而行朝廷以爾才堪委託特茲簡任爾須竭心殫慮輸忠効誠嚴明賞罰振舉軍威遇有緊急相機行事務俾醜虜遠遁地方寧靖庶稱委用毋或乖舛誤事自取罪愆爾其敬之慎之故諭

正德十二年三月二十六日

勅陝西按察司副使高顯

陝西道西路偏僻上司少到守

備撫夷官不無掎尅漁獵兼且蕃族數多反側難制又注浪古涼州鎮番等五衛路當番虜要衝人往不常亦難控禦今特命爾在西寧住劄兼管前項地方不時往來巡歷撫治番夷整飭兵備提督該衛操練軍馬固守城池禁革奸弊遇有番賊胡虜出沒即調衛所官軍相機撫捕截殺一應利病

當興革詞訟當受理者悉聽整理事有當與守巡
官員計議者一體計議而行不許自分彼此軍職
有賣放軍士不守把關隘及縱容軍民人等通同
番賊交易惹禍等項許爾徑自叅奏拿問守備把
總撫夷等官敢有似前措勉苦害軍士騷擾番夷
者聽爾指實呈巡撫官叅提問罪爾為憲臣受茲
委任尤須正己律人慎理軍務以安邊境如或徇
私妄為乖方誤事致有激變廢弛兵備寇來不能
備禦罪不輕宥爾
其勉之慎之故勅

嘉靖五年四月初七日

勅陝西按察司副使桑溥

今特命爾前去整飭固原

往來巡歷撫安土達仍操練軍馬修理城池墩臺
兩堡撫恤士卒防禦賊寇遇有警報收斂人畜保
障地方兼理詞訟乃督理糧儲禁革奸弊凡一應
事務與各該衛所有司相干者俱聽提調約束須

與分守叅將等官會議停當而行仍聽陝西鎮守
巡撫官節制不許偏執違拗妨政害事若有軍職
及守備官員賣放軍士縱容官攢人等通同豪猾
刁潑軍民兜攬錢糧虛出盜賣并隱藏逃囚等項
許爾徑自叅奏拿問爾為憲臣受茲委託務須持
廉秉公禁革奸弊盡心竭力以安邊境如違罪不
輕宥爾其勉
之慎之故勅

嘉靖八年二月二十一日

勅湖廣布政司右叅議張天性

湖廣邊倉及腹裏倉

長沙等府稅糧連年拖欠數多蓋由管糧官員不
得其人因循積弊以致如斯今特命爾專一管理
糧儲不許干預別事爾須設法催徵所屬一應稅
糧草料依期上納及沿邊地方倉糧時常往來巡
視禁革奸弊其府州縣管糧官員并提調正官敢
有縱容糧里人等將錢糧侵欺借貸及各倉官攢

斗級有與衛所官旗人等串同虛出通關挾制包攬作弊等項事發干礙軍職并文職五品以上官指實具奏拏問其餘官員人等有犯就便革問依律照例發落爾受茲專委頒風夜儘心用民不告持務在催徵以時出納惟公俾糧儲足用民不告勞斯稱委任如或因循怠忽以致違誤責有所歸爾其勉之慎之故勅

嘉靖十八年七月初九日

勅諭江西按察司副使蘇祐朕惟自古帝王治天下者率以興學育才為首務而學校之興廢人材之盛衰治道之隆替繫焉此蓋已然之明驗也今特命爾往江西巡視提督各府州縣儒學爾其欽哉夫總理一方之學政是即一方之表率也然率人以正必先正己爾其務端軌範嚴條約公勸懲俾為師為弟子者一崇正學迪正道革浮靡之習振篤實之風庶幾儲養有

素而待用不乏斯足以稱簡任之意如或因循茂月績效弗彰朕將爾責焉爾其最哉所有合行事宜申明條示于後其慎行之毋忽故諭

嘉靖三十二年十一月二十七日

勅諭兵部尚書無都察院右都御史蘇祐今仍命爾

山西等處軍務兼理糧餉在於邊中緊要地方攬經畧一應邊務不時往來調度各鎮將地相機戰守務要聲勢聯絡彼此應援各該鎮巡以下官員悉聽節制官軍臨陣不用命者自都指揮而下許以軍法從事地方事情有應與各該鎮巡官計議者從長計議而行各邊發去銀兩專為主客兵馬之用併命爾總理其事爾宜督令管糧郎中等官盡心調度整理軍務軍餉不匱士飽馬騰努力戰陣勿致侵漁作弊有誤軍儲軍衛有司官員有犯應拿問者徑自拏問依律處治勅內該載未盡

者悉聽爾便宜區處爾受茲委托宜殫竭心力審
固謀猷務使醜虜畏威遠遁邊方寧謐斯爾之忠
如或因循怠玩踵習常態致誤事機
國有常刑必不爾宥其慎之哉故諭

勅諭太子太保兵部尚書兼都察院左副都御史江

東 茲者虜賊於時竊入驚犯近圻各鎮援兵漸集
城外但官職事權不相統一誠恐心力不協致
失機宜特命爾總督本鎮并薊遼軍馬文官自侍
耶而下武官自總兵而下悉聽爾節制調遣如抗
違怠肆逗留退縮等項者文官五品武官四品而
下許爾以軍法從事爾應參者或當守或當戰
須殫忠竭謀看機度勢督調將士或當守或當戰
設伏邀擊或遇險截殺或乘懈怠劫營或合或分
或奇或正及勅內該載未盡事宜爾從長酌處其
事體重大者不時奏請而行爾尤須殫令嚴明賞

罰必信務使各營將士協心戮力勤蕩逆虜
以茂樹安攘之功斯稱簡任爾其欽哉故諭

勅諭總督宣大山西等軍務太子少保兵部尚書兼

都察院右副都御史江東 今特命爾前去總督宣
大山西等處軍務兼理

儲餉在於適中緊要地方駐劄經畧一應邊務不
時往來調度各鎮將官相機戰守務要聲勢聯絡
彼此應援各該鎮巡以下官員悉聽節制官軍臨
陣不用令者自都指揮而下許以軍法從事諸凡
事情有應與各該鎮巡官計議者從長計議而行
各邊發去銀兩專為主客兵馬之用命爾總理其
事爾宜督令管糧郎中等官員盡心調度以時支給
勿致侵漁作弊軍衛中官員盡心調度以時支給
自罕問其右衛地方加意整飭安輯軍民固守城
堡務保無虞勅內該載未盡者悉聽爾便宜區處

爾受茲委任宜殫竭心力審固謀猷務使醜虜畏威速遜邊方寧謐斯爾之能如或因循怠玩致誤事幾國有常憲朕不爾宥其慎之哉故諭

嘉靖二十七年四月初七日

勅監察御史張登高

今命爾往山海關直抵古北口壹帶往來公同各該分守守備

等項內外官員巡視關口點閱軍士整飭器械操演武藝守關旗軍人等一應詞訟聽爾就便問擬發落所在大小關隘逐一躬親踏看何處牆垣低薄當增何處關口當脩何處山坡平漫當削削陡峻何處蹊徑通行當壘塞堅固務在修理完備不許官可虛應故事其沿邊樹木尤致成空曠引惹賊寇軍人等採柴燒灰圍利肥已致成空曠引惹賊寇或已經砍伐者責令補種稠密以資障蔽大抵守關官軍禦敵之日多爾須公同該管官員清出見數編成班次選委蘆幹頭目管領督

令燒造採辦合用磚灰木石等料應用至交代之日明白畫圖貼說開報已修未修關口及用過人工物料數目以憑差人通行查究如或不實罪有所歸其守關官軍或投託買關不服調度爾即拿問如律應奏請者具奏定奪若分守守備等官有肯公行私阻礙行事及罷軟疾弱不堪任使者悉聽爾參奏處治爾受茲委用必須持廉秉公正已率下俾逾關鞏固武備修舉斯爾之能不熱必罪不宥爾其勉之真之故勅

嘉靖四十五年二月二十五日

勅陝西按察司副使祝堯煥

肅州地方遠在極邊北

哈密土魯番諸種羗夷不時出沒吞併各處衛所丹其州高臺鎮夷等九衛所地方廣闊各處衛所官員并把總撫夷等官以路遠偏僻上司少到往往不畏法律培尅貪暴弊出百端今特命爾在肅

備州志卷之五

卷五

州駐劄兼管前項衛所往來巡歷整飭兵備操練
 軍馬修理城池撫治番夷禁革奸貪保障地方
 一應利弊富興革詞訟當受理者悉聽整理肅
 當與守巡官員計議者會同停當而行仍兼理肅
 鎮二衛倉場錢糧并聽其肅鎮守巡撫等官節制
 不許徇執違物妨政害事軍職及守備等官有賣
 放剝削軍事及縱容所部人等隱匿逃軍逃囚并
 其他不法等事許爾徑自叅奏拏問爾為憲臣受
 茲委託務須持廉秉公盡心戮力以安邊境斯
 副任使如違責有所歸爾其勉之慎之故勅

嘉靖四十四年十二月 日

勅諭刑部陝西清吏司署郎中事主事陳忠翰

朕惟

重事民命所關茲當五年審錄之期慮恐天下愚
 民罹於法者多有冤抑不無致傷和氣特命爾往
 山西會同巡按御史并三司掌印守巡等官督同
 府衛等衙門掌印官遵照該部題准事理即將見

監罪囚從公審錄死罪情真罪當者照例監候聽
 決其有情有可矜罪可疑事無證佐可結正者具奏
 定奪雜犯死罪准徒五年者并已徒而又犯律
 該決訖所犯杖數總徒四年者各減去一年例該
 枷號者就便釋放其餘徒流以下各減等擬審發
 落笞罪放免毋令淹滯若御史別有公務相離地
 遠爾只督同所在有司從公審錄毋須俟審問
 之隙尤須虛心詳察毋惑浮言毋拘成案毋偏
 原問及原保結官吏飾不追究敢有偏執違拘阻
 命其故失入等罪俱不追究敢有偏執違拘阻
 行事應提問者就便提問應奏請者指實類叅及
 問明之後所在官司敢有輕復更改者一併叅奏
 爾事完之日開具府州縣正佐官賢否揭帖送吏
 部都察院以備考察爾受茲委任宜體朕欽恤之
 意稱白一心秉公持正務俾冤抑得伸民隱上達
 庶稱任使如或詢察不明處斷失當罪有所歸爾
 其欽哉

故諭

隆慶二年六月十六日

勅河南按察司副使陳忠翰

汝寧南陽東連南直隸
鳳廬等府南通湖廣
各處流民往往聚集其間近日各州縣又多盜賊
竊發今命爾專管汝南分巡問理刑名禁革奸弊
兼整飭兵備往來信陽州提督軍衛有司官軍民
快并義勇人等操練軍馬修理城池緝捕盜賊保
障地方兼管無民其捕盜一事仍與各該守備官
員計議而行遇有警急會合雜差等項不許受委致
相傳報併力截殺其進會雜差等項不許受委致
誤從便施行大則奏聞定奪所屬府衛等官如有
貪殘不職玩寇殃民應革問者徑自拿問應奏
者具奏處治爾為憲臣受茲專責尤須持廉秉公
彈心竭力修舉政事務期盜息民安以副
委任毋或因循怠弛自取罪愆欽哉故勅

快并善男等操練軍馬修理城池緝捕盜賊保
障地方兼管無民其捕盜一事仍與各該守備官
員計議而行遇有警急會合雜差等項不許受委致
相傳報併力截殺其進會雜差等項不許受委致
誤從便施行大則奏聞定奪所屬府衛等官如有
貪殘不職玩寇殃民應革問者徑自拿問應奏
者具奏處治爾為憲臣受茲專責尤須持廉秉公
彈心竭力修舉政事務期盜息民安以副
委任毋或因循怠弛自取罪愆欽哉故勅

濮州志卷之五

郡人李先芳編次

王言紀

戶部浙江司郎中卞盛父母 誥命

制曰國家於臣下既有申命之榮斯於其親亦有加焉蓋厚倫重本之道也贈承德郎戶部廣東清吏司主事卞成乃行在戶部浙江清吏司郎中盛之父積慶遺後而既蚤歿蓋嘗因子推恩矣今子叙陞亦宜進爾之秩肆再贈爾為奉政大夫行在戶部浙江清吏司郎中靈其承之永賁泉壤孝子之愛其親靡有存歿之間也故朝廷推恩於臣必及其親所以體其心而重大倫也安人張氏乃行在戶部浙江清吏司郎中卞盛之母既因子受追贈矣子今進官亦進爾之榮命贈為宜人幽

壞不昧光賁無窮正
統二年九月十二日

監察御史馮昱父母 勅命

勅曰爲臣能勤於職務國家既有以褒崇之而復推恩及其親者所以惇本始而爲天下之爲父母者勸也爾河南開封府儀封縣致仕知縣馮綸乃貴州道監察御史昱之父仕爲縣正撫字有方惠及民早膺休致復成厥子克舉其官宜錫寵榮以示褒顯茲特封爾爲文林郎貴州道監察御史服此隆恩永綏祿食

朕惟群臣之才者固本於父訓亦必資母德焉存州道監察御史馮昱之母慈惠善柔克敦母道訓成厥子效用于朝祿養既還宜申恤典茲特追贈爲孺人尚克承之永賁泉室

朕惟人之繼母寔配禮於父而於子有教育之德焉故人臣之克勤於職者其繼母亦有褒崇之命

爾貴州道監察御史馮昱繼母趙氏有子效用克勤所職皆爾善訓所致茲特封爲孺人服此隆恩永綏祿養天順八年七月十二日

慶陽府同知李著父母 誥命

制曰國家推恩臣下必及其親者所以重本而勸孝也而何間於存沒哉爾陝西慶陽府同知李著父暹慶鍾厥子榮養乃遠揆其所自宜有顯褒茲特贈奉政大夫脩正庶尹陝西慶陽府同知靈其不昧尚克承之

朕惟群臣之才者固本於父訓亦必資母德焉存有封沒有贈此國家之令典也爾陝西慶陽府同知李著母潘氏善著閨門訓成厥子推原其本宜錫褒榮茲特贈爲宜人服此隆恩

永光幽壤成化十年九月十三日

都御史劉忠父母 誥命

制日人臣能振揚風紀撫綏黎庶此盡忠於爾而得
 憲體者也朕嘗嘉之必推恩以榮其親焉爾贈浙
 江台州府知府劉鐸乃都察院右副都御史忠之
 父隱居樂善教子義方顯用於朝保釐於外推厥
 所自可乏褒崇茲特加贈為通議大夫都察院右
 副都御史服此榮命貴於九原
 朕惟群臣之賢者雖本父教之勤尤資於母德之
 厚賜朝廷追祭之典必有及焉亦所以遂孝子
 顯揚之心也爾贈恭人戴氏乃都察院右副都御
 史劉忠之母淑惠柔嘉著稱閭閻母因予貴已錫
 卹恩今子進官宜申異數特加贈為淑人服
 茲顯命尚裕後昆弘治六年七月二十五日

兵馬宋滋父母 勅命

勅日人臣有勞於國朝廷必寵其親此今昔之所同
 豈存沒而有異爾宋斌乃兵馬指揮司副指揮茲
 之父詩禮傳家林泉養晦訓成厥子效用於時顧
 禹益之養弗沾豈褒錫之恩可愜茲特贈為文林

即九原有知尚其敬服
 母之教育無異於父恩君之褒封實均乎禮典此
 國家之定制豈存沒之殊科爾蕭氏乃兵馬宋滋
 之母相夫治內教子成名胡弗永年遽違榮養揆
 諸國典宜示追崇茲特贈為孺人庶彼
 幽靈服斯明命弘治十年八月十一日

刑科給事中高顯父母 勅命

勅日朝廷待士之恩莫重于褒錫人子報親之志莫
 切于顯揚矧予法從之英丕著賢勞之績肆推恩
 命奚間存亡爾高斌乃刑科給事中顯之父朴實
 無華安恬有守性惟至孝能竭力以養親心本多
 慈每施仁而濟物矧義方之訓素嚴于家庭致令
 子之才蚤成乎國器諫垣奏績名動班行禮典追
 崇光生泉壤眷國恩之伊始見潛德之足徵茲特
 贈為徵仕郎南京刑科給事中尚祈神爽之昭益
 迓寵靈之貴
 母有教育之德與父實均國有推錫之恩惟臣是

勸劾乃言官之績足徵慈範之良倫理所關恩章可後爾洪氏乃南京刑科給事中高顯之母懋族遺風善人良配性惟勤儉行持端莊順正從夫著儀刑于宗鄙嚴明教子克遠祿莖于庭闈顧栝棧之澤猶存而風木之懷彌切肆綠大慶用示卹恩茲特贖為孺人尚款服於寵光益垂休于後胤
正德六年八月二十三日

戶科給事中張天性父母 勅命

勅曰父有善行子心務在於顯揚臣有賢勞國典必先於褒錫禮文斯重固風教之攸關存沒俱同實彝倫所當厚爾張真乃戶科給事中天性之父一鄉善士累世舊家仁厚之資實出於天稟孝弟之行無間乎人言况其利不能動厥心靜有以怡其志訓誠賢嗣為國諫臣鼎釜葵蓬情每與於風木絲綸恩重寵特貴於泉局是用贈為徵仕即戶科給事中嗚呼天道難謀惟庇善之不爽家聲丕振

尚衍澤于無窮

母氏幼勞義寔兼乎教育朝廷寵數禮特重于褒榮肆綠圖報之心誕示馳封之命亦惟有德始稱厥名爾王氏乃戶科給事中張天性之母性本淳良行惟勤儉相夫治內名文播于族媼教子登科功已成于諫署康彊無恙方膺祿食之榮光顯惟新肇舉褒嘉之典用彰慈範兼勵賢能茲特封為太孺人嗚呼福稱人瑞諒壽考之可徵行備母儀庶家規之永賴正德十五年閏八月十一日

御史謝綬父母 勅命

勅曰人子報親之志莫大於顯揚朝廷待士之恩莫重於褒錫此古今之通制豈存沒之殊科爾謝珊乃江西道監察御史綬之父郡國遺才丘園高士居仁好義素敦長者之風教子成名克舉憲臣之職祿養弗終於三釜褒章宜貴於九原茲特贈為文林郎江西道監察御史靈爽有知歆承無斁

母之德固多於鞠育有教者存子之職不限於旨
耳惟名是顯受錫推恩之命用成報德之心爾張
氏乃江西道監察御史謝綬之母柔嘉有則敬戒
無遠徼令子之才名式彰慈訓授朝家之著典宜
錫褒章茲特封為太孺
人祗服榮恩益陸壽祉

御史王禮父母 勅命

勅曰國家任官以居風紀之司信非百執事之比有
能效其職者亦必有所自矣前湖廣長沙府知府
王謙乃四川道監察御史王禮之父願庸於時誨
成厥子典司邦憲為國近臣推其本原宜隆褒錫
茲特贈爾為中憲大夫職如故靈爽不昧尚克歆
承
朕惟人子之賢雖本於父而資於母亦深矣爾張
氏乃前湖廣長沙府知府王謙之妻四川道監察
御史王禮之母貞淑柔惠積善垂慶致有賢子而
不逮養今特以其子之恩而從其夫之秩贈爾為

恭人服茲休
命永貴泉局

給事中魏元父母 勅命

勅曰國家推恩臣下必及其親者所以重本而勸孝
也而何聞於存沒哉禮科給事中魏元故父仁悌
德樂善晦迹丘園訓子登庸祿養不逮揆其所自
宜有顯褒茲特贈爾為徵仕郎禮科給事中靈其
不昧尚克承之
國家於任職之臣必褒顯及其親者所以重本原
也爾趙氏乃禮科給事中魏元之母婦儀母道夙
著聞間有子登庸克勤厥職皆爾善德所致茲特
封為太孺人服此
榮恩尚懋敬之

通判賈志父母 勅命

勅曰朕惟為人子者孰不欲顯揚其親故子之賢而
能宣力効職者朝廷必推恩以報之所以遂其顯

親之心而勸天下之為孝者也爾順天府通判賈志故父賈仁甫善積于躬慶延于後是致有子效用於時推厥本原宜錫褒顯今特贈爾為承德郎順天府通判靈爽不昧尚克承之
朕惟入子之材雖本於父而資於母德亦深矣故國家推恩臣下存則有褒榮之命歿亦有追贈之典烏爾溫氏乃順天府通判賈志之母夙有德善著於閨門是生令子為國之用揆厥所自宜有顯褒茲特贈爾為安人
靈其歆承永光幽壤

臨汾知縣黃紳父母勅命

勅曰國家隆使臣之禮錄教子之功既量任以用其才必推恩以顯其父制通今古式重彝倫爾黃瑄乃順天府通判紳之父詩書世業郡邑遺才敦良德於家庭年逾九袞著芳標于族鄰儀範一鄉政有賢子躋時顯庸當官之業有聞推錫之恩宜被茲特封為承德郎順天府通判顯服鴻休益延來

勅子之于母孝愛惟深君之於臣禮意從厚渙頌異渥實體恒情爾劉氏乃順天府通判黃紳之母善入之配懿行夙全篤成令子之才已效慈闈之訓可無珠典以示追崇茲特贈為安人渙號
是承幽禰永慰嘉靖元年五月十四日

御史倪宗嶽父母勅命

勅曰旌獎賢能乃朝廷之著典表章先德亦人子之至情蓋忠本孝移而親由子顯式關風教奚間存亡爾生員倪佐乃山西道監察御史宗嶽之父鄉邦名士岸序英流賦命惟屯實遺才于一第降年弗永竟賁志於九原顧明經之訓素嚴致賢子之名早著憲臺列職力振紀綱禮典追封光增泉壤眷國恩之愈厚見世業之有徵茲特贈為文林郎山西道監察御史匪徒彰裕後之休亦以勵守官之節
母氏劬勞義實燕乎教育朝廷重數禮特重于褒

榮肆綠報德之心誕示地封之命眷茲淑行始稱
嘉名爾安氏乃山西道監察御史倪宗徽之母性
本貞純行惟恭儉化行閭閻名播族姻敦傲戒戎
相夫式全婦道躬督勤以成子慶特官評顧祿養
之方隆屬茲齒之未艾肆當大望重與推恩是用
封為太孺人茂膺冠帔之華益享庭闈之樂嘉靖
二年四月
初七日

御史王應父母 勅命

勅曰朕以不後其君之臣工不遺其親之子此忠孝
一也肆國家體茲羣力制追崇之典非教之孝
以勸忠哉爾王雄乃山西道監察御史王應之父
儉約不華惠和可近篤行隱德望重鄉評歸金於
不報之賈啖哺於無告之民善士也厥所積培發
祥乃嗣方以才識為國憲臣斯爾之褒恩可後耶
是用贈為文林郎山西道監察御史潛行永昭孝
思良慰

易稱家人有嚴君主母之謂追恤之命必首及之
禮也爾崔氏乃山西道監察御史王應之嫡母積
功累仁實慈持儉事舅姑以孝逮下以恩賢母也
願祿養早違遺芬未泯可無卹典以示追崇茲特
贈為孺人明靈未遷啟茲殊渥
母氏劬勞恩均嫡庶朝廷體人子念親之心著從
貴之典風世教也爾田氏乃山西道監察御史王
應之母至性柔慈小心敬慎撫成嫡子罔間形
骸盛德之至也是宜善慶之積篤爾賢嗣登名臺
憲允允厥宗孰非爾基怙之澤哉茲特贈為孺人
靈爽有知
歆承無斁

主事李淳父母 勅命

勅曰朕惟聖人作為父子君臣以為紀綱朝廷敷錫
羣臣必先其父所以昭君恩成子德也爾李贊乃
戶部貴州清吏司主事淳之父敦行仁義延譽鄉
國鍾流澤於後人久遠榮於祿養雖積善之可必

而潛德以未聞宜申恤恩用慰冥漠茲特贈爲承
德郎戶部貴州清吏司主事尚其承之永光胤祚
古有賢母訓子忠烈以保祐當世慶流子孫李溥
愛之慕之爾馬氏乃戶部貴州清吏司主事李溥
之母德容莊嚴性資醇雅敦相夫之義既克配以
無意任起家之勞復祗勤而不息遂成令子顯被
恩章茲特贈爲安人尚爾管魂服此
休命嘉靖十五年閏十二月十一日

兵部尚書蘇祐父母 誥命

制曰朕聞古之幽人逸士葆貞毓和未究于用必有
嗣而興者以食厥報蓋天道固然匪可誣也朝廷
敷錫之典而可遺其篤啓之功耶爾累贈通議大
夫兵部左侍郎蘇恩乃總督宣大山山西等處地方
軍務兼理糧餉兵部尚書兼都察院右都御史祐
之父幽貞而範俗隱約而直躬植善有聞履仁不
替用俾哲嗣顯有踐更秩峻夏卿總予疆圉爰推
卹命昭布寵光茲特加贈爲資政大夫兵部尚書

兼都察院右都御史二品之秩懋渥惟崇侈爾家
猷式垂不朽

朕嘗讀蓼莪之詩而悲劬勞之德其在父母均也
則所以崇施而顯錫之者亦豈宜有異耶爾累贈
淑人周氏乃總督宣大山山西等處地方軍務兼理
糧餉兵部尚書兼都察院右都御史蘇祐之母性
本慈惠行惟儉勤子列華途爾年弗待永思徽範
良用愴然茲特加贈爲夫人庶慰人子之顯親亦

所以貴人親之有子

朕惟考母德者必于子故因子以貴母今昔曩典
也凡在庶僚贈淑人王氏乃總督宣大山山西等處地
方軍務兼理糧餉兵部尚書兼都察院右都御史
蘇祐之母早由茂族來嬪名宗躬勤儉以相夫明
愛勞以訓子婦儀母德又何異古訓所云耶
永違良可憫惜茲特加贈爲夫人用申罔極之恩
以酬欲報之志嘉靖三十二年十二月十二日

兵部尚書蘇祐祖父母 誥命

制曰水注而為江河其發原也必遠木大而為棟梁其植本也必深蓋慶善之培固未有不由先世積累之厚而能闢發者也爾贈通議大夫兵部左侍郎蘇亮乃總督宣大山右等處地方軍務兼理糧餉兵部尚書兼都察院右都御史祐之祖父懋修不試雅志丘園始古隱君子之流歟雖長不究用而流慶則長瞻爾聞孫為子良弼哉毅之遺天道豈情情者耶茲特加贈為資政大夫兵部尚書兼都察院右都御史兼翼式章予盛德龍泥存荷於禮嚴孝享祖左妣右追卹之典妣與祖偕是惟服在人僚者則有之此則制有所限亦奚能以自遂哉爾總督宣大山右等處地方軍務兼理糧餉兵部尚書兼都察院右都御史蘇祐祖母贈淑人馬氏克謹內行動應閩彛祚爾令孫膺予闕寄式旌往勦拔與崇章茲特加贈為夫人享茲申錫之

嘉靖十二年十二月十二日

太保江東父母 誥命

制曰士德當興不於其身則于其子國恩宜界必自其子以率其親若臣秩既軼乎羣察則君命不斲乎三錫爾累贈通議大夫兵部左侍郎江汝龍乃太子少保兵部尚書總督宣大山山西軍務東之父學授子專經不懈趨庭之訓相子能茲特加勸許國居授子專經不懈趨庭之訓相子能茲特加勸許國為資政大夫太子少保兵部尚書兼都察院左副都御史匪徒闡潛德於九原亦以示休光於百世估恃之恩均於罔極則褒榮之命宜於並陸及子秩日進乎顯融則母爵存膺夫申錫爾贈淑人商氏乃太子少保兵部尚書總督宣大山山西軍務江東之母溫恭惟則慈孝夙成相夫業儒以立名教子忠君而盡瘁惟壽齡之弗永乃祿養之有違子

位峻崇益動風木之感朕思茂渥載覃雨露之
施茲特加贈爾爲夫人靈爽有知欽成無斃

太保江東祖父母 誥命

制曰士人積善于家則慶流後裔臣子效忠于國則
榮逮先人固天道福善之常亦王朝勸忠之典爾
贈通議大夫兵部左侍郎江東乃祖父剛方之性
尚書總督宣大山西軍務江山之祖父剛方之性
偶儻之才抱潛德於丘樊植高標於閭里既翼其
子以蜚聲岸校復詒其孫以樹績朝廷迺令績之
由未宜新恩之寵及茲特贈爾爲資政大夫太子
少保兵部尚書兼都察院左副都御史勳榮煥八
座之光錫命重九京之貴
孝享之儀祖左妣右追卹之典妣與祖偕惟此服
休之大臣乃當光前之殊數爾贈淑人張氏乃太
子少保兵部尚書總督宣大山西軍務江東之祖
毋誕姿華胄儷德名家靜貞不忒乎姆儀雍穆式
敦乎闔政乃畜祥而衍慶遂蒞子以及孫宜疏卹

以彰幽履茲特贈爾爲夫人
命于重闈垂休嘉于奕葉

主事李繼宗父母 誥命

勅曰人臣有效能於國者朕必推恩於其親所以慰
孝子之心而益勵其忠也爾李鵬乃刑部福建清
吏司主事繼宗之父孝友著於家庭信義隆於鄉
曲可爲有行也已子能官惟爾之毅茲特贈爲
承德郎刑部福建清吏司主事彰爾潛輝報爾義
副爾其承有耀哉

家有嚴君父母之謂言怙恃之德均也顧推恩可
有間哉爾王氏乃刑部福建清吏司主事李繼宗
之母履約服勤宜其夫子發祥流祉裕乃後昆婦
德母儀咸可嘉尚茲特封爲太安人象服是承宜
爾哉

戶部山西司郎中周顯宗父母 誥命

制曰朕聲舉大儀錫款
郊廟嘉與海內共霈滋
恩顧予即曹厥考貽穀可無

優渥以承崇爾贈承德即南京工部都水清吏
司主事周良臣乃戶部山西清吏司郎中顯宗之
父恭勤自樹剛毅不撓聖惡周貧鄉人率服顧其
稟命不淑早歲云亡軀粹委祥發于爾嗣允宗振
美足聞潛休茲特加贈為奉政大夫戶部山西清
吏司郎中尚其承之克昌爾後
易贊母氏為嚴君重正內也矧貞錚足以範世義
方足以成子令名壽考今古為難爾封太安人蘇
氏乃戶部山西清吏司郎中周顯宗之母德惟秉
淑生乃不辰早喪哲夫備遭艱苦而矢心勵行孝
敬益敦是以顯爾嗣人起為國彥重變再錫永迓
遐休爾之壽康良惟德報茲特加封為太宜人渙
命是承榮光未艾嘉靖
十八年正月十二日

主事呂調羹父母

勅命

勅曰朕惟子之能仕父教之忠古之制也矧我舊臣
名列循良貽謀翼子為國陳力豈不尤可尚哉爾
直隸永平府遷安縣知縣呂端乃兵部職方教事
司主事調羹之父蚤以藝文登名鄉薦屢司教事
繼分邑符宦業師模人兩頌之惟茲令子展采清
朝善所自來時爾之訓茲特贈為承德郎兵部職
方清吏司主事靈而有知享斯嘉寵
朕聞母之於子始於胎教免其水火而要之成斯
其劬勞之恩蓋罔極矣國家因其子而貴之誠彝
典也爾范氏乃兵部職方清吏司主事呂調羹之
母克秉異德能濟乾剛愛而知勞遂成令子婦儀
母朕所褒嘉茲特贈為安人渙命是承孝思良
慰嘉靖十六年
六月二十日

兵馬陳憲父母 勅命

勅曰朕聞崇禮敦本所以彰孝緣情覃恩亦以廣仁
君臣之間有同體焉要在錫類而推布之耳爾陳

浩學乃中兵馬指揮司副指揮憲之父履坦居易
葆貞毓和雖潛德弗耀然有子而賢列名榮顯實
慶延之在也顧祿養未霑盍其先逝亦可憫哉茲
特贈爾為文林郎中兵馬指揮司副指揮服予光
寵賁爾幽原
朕惟考母德者必於子故因子以貴母今彝典也
雖不幸云殘而追錫之典固可使有間哉爾中兵
馬指揮陳憲母杜氏冲儀有範純悃無華爰相爾
夫種德云邁暨子有位于朝而爾已弗逮矣悲哉
茲以霈恩特贈爾為孺人懿靈不昧愍冊是承

序班呂承訓父 勅命

勅曰我國家設鴻臚寺以典掌國儀豈徒使之肅正
班秩母敢誼諱失次已哉蓋以四方瞻視厥條匪
輕必使禮法之崇嚴庶稱朝廷之尊重爾鴻臚寺
序班呂承訓乃 德府典膳傑之子早由雍秀簡
授今官歷歲茲深勞勩茂著最書來上朕甚嘉之
茲特進爾階登仕郎錫之 勅命爾尚益勵初心

勅圖後續惟朕亦嗣有顯陞不爾吝
嘉靖二十八年十二月二十四日

尚寶司司丞李先芳父母 勅命

勅曰傳不云乎孝者所以事君人臣立身揚名隨事
效忠蓋示孝之所推朕稽其功績安得不榮其親
以示勸也爾尚寶司司丞李先芳父李鑑敦厚而
有容方嚴而尚義施及于姓多成善良今予以考
最授階念爾訓迪之素宜與名寵是用贈爾為承
德郎尚寶司司丞九原有知尚祗承之
國家以孝治天下凡上計之臣有逮事其母者圖
有恩典固嘉與共之矣爾尚寶司司丞李先芳母
劉氏貞淑之行雖不外見而有子克自樹立善最
日聞慈訓亦有光已茲因考績推恩是用封爾為
太安人祗服休
光永綏祿養

尚寶司卿張登高父母 誥命

制日教子以忠必使効勞於國勸臣以孝恒為致寵於親業有能充其宗恩則務從其厚爾贈文林郎浙江道監察御史張尚文乃南京尚寶司卿張登高之父銳情經業儲秀贊官文藝優長厚蘊入官之具義方嚴切茂收訓子之功致有剛賢服在朝省存登榮秩終慕之心未忘用示褒章善教之功聿顯茲特加贈爾奉政大夫南京尚寶司卿顯命欽承幽挺永賁

子勤將母褒封實體其情妻本從夫品秩亦以其類典章具任今古攸同爾封太孀人冠良配性惟尚寶司卿張登高之母詩禮名家衣冠氏配性惟貞靜行素端莊持家敦克儉之風睦族盡惟親之誼夙聞懿美已有褒綸屬此覃恩爰加殊錫茲特加封爾為宜人再應冠帔之華益介壽康之祉

御史祝堯煥父母 勅命

勅日朕聞愛子教以義方故士之效忠事君者恒皆本之廷訓國家踴榮褒寵以明報也爾祝志臯乃

南京河南道監察御史堯煥之父性秉端嚴行敦孝友守貞樂善表正鄉邦庶幾古之高士矣而義方訓子馳譽憲臺宜需渥恩以彰潛德茲特贈爾為文林郎南京河南道監察御史尚歆風紀之錫以黃泉壤之光

人子食祿於朝而養不忠者其効勞之慕深矣匪頒郵典何以慰罔極之懷哉爾姜氏乃南京河南道監察御史祝堯煥之母淑慎端莊夙稱女士孝恭勤儉允宜厥家正以相夫慈能教子克昌胤祚爾不永年良可憫焉茲特贈爾為孺人靈爽如存歆承無教

太常寺博士陳忠翰父母 勅命

勅日夫履善之士其後必昌蓋天道之報不于其躬必于其子惟朕懸慶賞以報功能亦惟奉若天道而已爾陳綸乃太常寺博士忠翰之父奮志典墳馳聲黌校惠和謙慎著在卿評孝友儉勤施于家

政而乃一經課子寒暑不輟始雖屈於數奇終乃
伸於子貴今祿養既設恩洵及亦足以酬爾志
矣茲特封為文林郎太常寺博士茂對寵光益堅
素履
母以思勤育其子子以寵貴彰其母此慈孝之道
所以相成而施之爰典揆之人情咸順且安者矣
爾邢氏乃太常寺博士陳忠翰之母曾出名家心
標婉淑以為婦則孝以訓子則慈宜申象服之華
養以荅熊九之教茲特封為孺人祗服徽思永綏祿

主事吳教傳父母 勅命

勅曰子之能仕父教之忠古之制也國有褒章所以
光佑啓之謨遂顯揚之志厥義溥矣爾吳來聘乃
禮部儀制清吏司主事教傳之父早遊鄉校雅負
特名被服詩書敦行孝友業修而志未竟德立而
名不彰善慶所鍾是生爾子官評克暢稔養方隆
爾可謂嗇于躬而贏于後矣茲特封爾為承德郎

禮部儀制清吏司主事服此恩庥往綏壽考
婦道無儀名不踰閭闕其登載形管光服贊書者
蓋往往託之後人焉爾張氏乃禮部儀制清吏司
主事吳教傳之母婉嫕植範孝敬挺身履柔道以
從夫佐義方而勗子用成詰亂蜚譽鄉閭享弗醜
勞良可憫惻茲特贈爾為安人庶增窈窕之光薰
惻惻棧
之慕

晉州知州葉臣父母 誥命

制曰人臣奉職服官莫非本於啓佑之德故朝廷推
恩錫命必遂其顯揚之心勸孝作忠其道備矣爾
葉鳳乃直隸真定府晉州知州臣之父遺榮畝畝
種德里閭雖務本力勤不厭齊民之事而好施樂
義有善教子之方有子充宗彰爾式毅是用贈爾
為奉直大夫直隸真定府晉州知州服此休榮實
其幽壤
子之荷德于母昊天罔極也願有身致通顯而不

獲遂一日之養則其心孔傷矣匪有褒諭曷慰其私爾徐氏乃直隸真定府晉州知州葉臣之母夙抱辛勤相夫勸子祿養未逮享弗酬勞優恤有加典惟從厚茲特贈爾爲宜人式頒渙號用發幽光

光祿寺掌醢署監事張伯耕父母 勅命

勅日九臣僚靖共有位雖志下報主亦期以顯親也知其父嘗效勞民社有子馳恩可不嘉異之哉爾原任直隸河間府景州東光縣知縣張繼文乃山西按察司副使天性之子今光祿寺掌 署監事伯耕之父紹美家傳蜚英庠校成均養德名邑是伯顧盡瘁居官方有及民之譽而引疾求退遽爲解綬之圖惟位未究厥施乃慶有鍾于後爾子列官光祿克著勞能爾遺訓也茲以朕踐祚覃恩特允疏請用贈爾爲文林郎酬爾未伸之志式慰追養之懷隆慶元年五月二十三日
母氏劬勞人子之所欲報也然孝思罔極不有申命又何以慰楛樵之感哉爾王氏乃光祿寺環蓋

署署丞張伯耕之母温柔性植仁惠夙成有子能言足彰慈訓顧已違乎祿養宜追錫以明倫茲特贈爾爲孺人祗服新恩永光
幽窆隆慶二年四月十九日

序班李汝楠父 勅命

勅口凡爾臣僚服官共職立于朝必思恩逮其所生斯人子之至情亦朝廷之令典也爾李明官乃鴻臚寺序班汝楠之父少遊胄監博學能文晚重鄉評敦倫種德故爾名雖不顯而爾子筮仕鴻臚爲朝近臣乃其禮度熟閑儀章服習庭訓足徵國恩不可靳也已茲朕纘承大賚錫典臣僚以爾子懇疏移封故特允之今封爾爲登仕佐郎鴻臚寺序班服茲綸綽之章益迓系榆之福隆慶元年三月二十日
八日

序班任永芳父 勅命

勅曰朕以升儲軍慶因詔有位咸得地已貴貴其親而矧為典容之即秩儀道節效奔走之勞以宣贊邦禮者朕奚慙焉爾任璋乃鴻臚寺序班永芳之父被服儒術擅譽藝林敦孝友以悅親克儉勤以居室善義方之教成胤嗣之賢茲特贈爾為登仕佐郎鴻臚寺序班服明命於維新貴幽壙而永耀月十九日

順天府通判趙禮父母 勅命

勅曰世有積德累行之士弗庸於時卒乃詒嗣人得徵寵于公家以食其報斯亦天道之可證者爾贈儒林郎光祿寺掌監署者正趙璽乃順天府通判禮之父性稟醇良行敦著友躬有令德緇而不施誕啓嗣賢卓為時用捲茲義訓宜錫寔章茲特加贈爾為承德郎順天府通判祗承寵渥永貴泉臺

母氏劬勞而祿養弗逮人子之心有永戚矣匪頒卹典曷以體其私而勸之忠哉爾贈安人楊氏乃順天府通判趙禮之母忠慈莊靜夙備母儀幼子有成徵爾慈訓立申慈冊以慰孝思茲特仍贈爾為安人聿增泉壤之光式慰栝樵之慕隆慶六年九月二日

經歷曹澄父母 勅命

勅曰士有明經修行不自顯試而能訓迪厥胤以宣力于國茲固褒寵之所必加者也爾曹瑛乃和陽衛經歷司經歷澄之父名著膠庠德孚里閭詒休爾子克效其官慶澤厚已茲特贈爾為徵仕郎和陽衛經歷司經歷祗承顯渥式貴幽壙

婦道舍章不自表見賴子之賢可聞於時也爾羅氏乃和陽衛經歷司經歷曹澄之母孝敬稔躬儉勤理內爾子服官謹恪皆爾訓育之功也茲特封爾為太孺人享此榮名足以垂範隆慶六年十二月十六日

經歷劉永清父母 勅命

勅日人臣忠於其職志在顯揚故國家酬庸錫命綠
子及親所以示勸也爾劉仁乃南京龍虎左衛經
歷司經歷劉永清之父守朴不耀教南有方任職
稱賢惟爾遺慶茲特贈爾為徵仕即南京龍虎左
衛經歷司經歷靈爽如存欲茲明命
欲報之恩昊天罔極人子孝慕其親於父母一也
追崇之典局有異施爾閭氏乃南京龍虎左衛經
歷司經歷劉永清之母克相夫子勗成嗣人雖祿
養未需而褒恩宜錫茲特贈爾為孺人往
懿有知款承無斃萬曆元年正月十三日

序班許元父 勅命

勅日朕篤孝尊親推仁錫類雖列庶寮亦遠顯揚思
至渥也爾許虹乃鴻臚寺序班元之父篋名鄉校
典禮成均閭里翰光家庭式訓勗成令子為國典
儀茲特移贈爾為登仕佐郎鴻臚寺序班永黃

原益昌來胤萬曆
六年五月十一日

附後軍都督府經歷朱盛父母 誥命

制日國家於臣下有申命之榮斯於其親亦有加焉
所以厚倫也爾贈後軍都督府經歷司都事朱得
林乃後軍都督府經歷司經歷盛之父克成其子
用舉厥官祿養不逮嘗受贈矣今子叙陞亦用加
贈爾為奉直大夫本司經歷尚克承之永慰冥漠
制日孝子愛其親者靡有存沒之間故朝廷推恩臣
下必及之所以體其心而重大倫也爾孺人王氏
乃後軍都督府經歷司經歷朱盛之母克執母道
追褒有年今子叙陞特用加贈爾為宜人服此隆
恩永光寔突成化三年十二月十七日

光祿寺署正蘇瀛 勅命

勅日朕嗣登大寶須命在廷兩都臣寮咸共休慶矧
光祿職列上供而大官又為首署者乎爾南京光

祿寺大官署署正蘇濂乃原任兵部尚書兼都察院右都御史祐之子博雅有文世其家學發身賓貢筮仕司儀擢任今官而尔在事恪勤克共厥職茲從恩詔特授尔階儒林郎錫之勅命尔尚益殫乃心懋乃勞以効于國用增

勅曰夫婦齊體爵亦如之故人臣服寵于朝而必勉榮其配不以既沒異也尔南京光祿寺大官署署正蘇濂妻贈孺人許氏系出華閥德配名家相夫服官有光主饋而不逮偕老良可悼已是用加贈尔為安人賁此顯綸綸章其往
勤萬曆三年七月十五日

北山野史曰仕者上封下蔭乃 朝廷之殊典
書生之至榮也他志不載 王言略矣然世事
有隆替子孫有賢不肖故徃徃失之今并採錄

僅十之七耳若李公瓚及廷相父子尚書而封
典不傳亦可恨也及觀瑩記所載瓚父諱賢祖
諱俊姑存其名俟得世紀者足成之若蘇濂以
父為尚書故不類附僅錄已身者載之後篇

濮州志卷之五

濮州志卷之五

詩類

唐許由箕山歌

登彼箕山兮瞻望天下山川麗崎萬物還普日月運照靡不記睹游技其

間何所却慮嘆彼唐堯獨自愁苦勞心九州憂勤后土位予欽明傳禪易祖我樂如何蓋不盼預河水流兮緣高山甘瓜施兮葉綿壺高林肅兮相錯連居此之處做唐君

虞舜歷山思親操

舜遊歷山見鳥飛思親而作此歌步彼歷山兮崔嵬有鳥翔兮高飛

瞻彼鳩兮徘徊河水洋洋兮清冷深谷鳥鳴兮嚶嚶設且張且兮思我父母力耕日與月兮往如馳

父母遠兮吾將安歸

春秋輿人誦

左傳晉侯宋公齊國歸父崔夫秦小子憇吹於城濮楚師背鄴而合晉侯患之

聽與人之誦曰原田每舍其舊而新是謀

譚良夫諱左傳衛侯夢于北宮見人登昆吾之觀被髮北面而諫曰登此昆吾之虛繇繇

生之瓜余為譚良夫呼天無辜

孔子倚蘭操自衛反魯作習習谷風以陰以雨之所逍遙九州無所定處時人聞蔽

不知賢者年紀逝邁一身將老

漢武帝歌子歌魏子决今將奈何浩浩洋洋今聞碑為河殫為河兮地不得寧功無已時

今吾山平吾山平兮鉅野溢魚沸鬱兮柏冬日延道弛兮離常流蛟龍聘兮方遠遊歸舊川兮神哉

沛不封禪兮安知外我謂河伯兮何不仁泛濫不止愁吾人鬻桑浮兮淮泗滿久不反兮水維緩二

曰河湯湯兮激滂潏北渡回兮迅流難攀長茨兮沉美王河伯許兮薪不屬薪不屬兮衛人罪燒蕭

條兮噫乎何以禦水隴林竹兮捷石菑宣防塞兮萬福來

魏鄆城王曹植責躬詩於穆顯考時惟武皇受命于天寧濟四方朱旗所拂九士

披攘玄化滂流荒服來王超高越周與唐比蹤駕生我皇奕世載聰武則肅烈文則時雍受禪于漢

君臨萬邦萬邦既化率由舊則廣命懿親以藩王國帝曰爾侯君茲青土奄有海濱方周于魯車服

有輝旗章有叙濟濟雋乂我耦我輔伊余小子時寵駟盪舉挂時網動亂國經作蕃作屏先軌是隳

傲我皇使犯我朝儀國有典刑我削我黜將冥于理元兇是率明明天子時惟篤類不忍我刑暴之

朝肆遠彼執憲哀予小臣改封充邑于河之濱置初二年改封鄆城為東郡舊封州之境服肱弗置

有君無臣荒淫之闕誰矯予身莞然僕夫于彼冀方嗟余小子乃罹斯殃赫赫天子恩不遺物冠我

玄冕要我朱紱光大使我榮我華剖符受土王爵是加仰齒金璽俯執聖策皇恩過隆祗承休揚

咨我小子頑凶是嬰逝慙陵墓存愧闕庭匪敢傲
德寔恩是恃威靈改加罪黃墟願蒙矢石建旗東嶺庶
不圖嘗懼顛沛抱罪履危軀授命知足免戾其赴江湘
立毫毫微功自贖危軀授命知足免戾其赴江湘
奮戈吳越天啓其哀得會京畿遲奉聖顏如涓如
飢心之云慕愴矣其悲天高聽卑皇肯照微

晉吳隱之貪泉詩

古人云此水一飲懷千金
試使夷齊飲終當不易心

陶潛詠荆軻

燕丹善養士志在報強嬴招集百夫
良歲暮得荆卿君子死指危冠猛氣

衝長纓飲錢易水上四座列群英漸擊悲統宋
意唱高聲蕭蕭哀風逝淡寒波生商聲更流深
羽奏壯士驚心知去不歸且有後世名登車何時
願飛蓋入秦庭凌厲越萬里逶迤過千城圖窮事
自至豪主正怔營惜哉劍術踈音功遂不成其人
雖已沒千載有餘情

唐蕭楚才秦和展禮岱宗途經濮濟詩

拂漢星旗轉
分霄日羽明

將追會阜跡更勒岱宗銘林戈咽濟岸獸鼓震河
庭兼箭凌寒矯烏弓望曉驚已降汾水作仍深迎

渭情

薛克構奉和展禮岱宗途經濮濟詩

龍圖冠胥陸
鳳駕指雲亭

非煙泛濟浦綠宇啓河汀畫裳晨應月文載曙分
星四田巡揖禮三驅道契經行欣奉萬歲竊抃偶

千齡

沈千運客濮中言懷詩

聖朝憂賢良草澤無遺匿
人生各有命在余胡不激

一生但區區五十無寸祿衰退當棄捐貪殘招毀
謙栖栖去人世此躋日窮迫不如守田園歲晏望
豐熟壯年失宜盡老大無筋力始知前計非將貽
後生福童兒新學稼少女未能織顧此煩知已終

日求
衣食

高適同群公登濮陽聖佛寺閣詩

落日登臨處悠然意不窮

初地識人覺四天空來鴈清霜後孤帆遠樹中徘徊傷寓目蕭索對寒風

王維寄濮陽崔季重詩

秋色有佳興况君池上開悠悠西林下自識門前山

千里橫黛色數峯出雲間嗟峨對秦國合沓藏荆關殘雨斜日照夕嵐飛鳥還故人今尚爾嘆息此

顏頰

李德裕挽濮陽太守陽瓚詩

宋氏遠江左豺狼滿中州陽君守滑臺終

古垂英猷數仞城既毀萬夫心莫留跳身入飛鏃免胄歸霜牙畢命在旗下僵尸橫道周義風激河

汴壯氣淪山丘嗟爾抱忠烈古來誰與儔就烹感漢策握節悲陽秋顏子綴清藻鏗然如紫琴徘徊

望故壘尚想精魂遊

胡曾釣臺詩

青春行役去悠悠一曲蒲汀濮水派正見塗中龜曳

尾令人特地感莊周

五代邑人張直宿顧城

色草展青茵樾影連春樹茆屋八九家農器六七具主人

有好懷寒衣留我住春酒新撥醅香美連糟漚一醉卧花陰明朝送君去

宋山人傅霖答濮陽張詠

忍把浮名賣却開門前流水對青山青山不語人無

事一任風花自性還附詠原倡前年失脚下漁磯苦戀明時不忍歸爲報巢由莫相笑此

心非是愛輕肥

華山陳搏答張詠

自吳入蜀是尋常歌舞筵中救火忙乞得金陵養閑散也須多

謝鬢詠原倡性愚不肯住山林剛要清沅擬致君邊齋詠原倡今日星馳劔南檄回頭漸愧華山雲

蘇轍濮陽太守王正路挽詩

落落承平佐英英
嗣世風芝蘭託庭戶鸞

鶴峙梧桐結客賢
豪際傾財緩急中
悲傷聞故老
論謝未衰翁
○吳中試良守
濮上繼嘉聲
平賦權

獨留名天報多男子
終存好弟兄

龍圖學士范仲淹題堯廟

千古如天日
巍與善功禹終平
泮水舜亦致

薰風江海生靈外
乾坤揖讓

中鄉人不知此
簫鼓謝年豐

孫漸過南華留題
挾策自弱齡
周覽南華書
茫然訪遺志
欲駕將焉如
竭來南華

遊始識其故墟
塵跡寄委蛻
往事同蘧廬
想其公吏時
傲世樂有餘
天地等毫末
軒冕同錮錄
三為

禮華戶萬乘
尊褐夫古邈
已遠洗風日
淪胥得喪赫
腐鼠怒悅紛
衆狙材否笑
木鷲斷續傷
鶴鳥

釣臺已湮沒
漆城復荒蕪
恨不見斯人
逍遙與之俱
還淳以及朴
撫俗歸黃虞
神交付恍惚
日暮尤

踏躑

元楊飛卿登濮陽北城

層城高絕一攀躋
歲杪臨風風

橫雷澤暮天低
陳臺事往人何在
曹國風遲望
欲迷牢落壯懷
誰與語疎林
殘照亂鴉啼

盧授題濮陽尊美堂

忽從鷺禱見醇良
誰道人亡政亦亡
循吏方能尊五
美俗

工砥解習三章
雄碑薜結常遺愛
茂樹民懷不忍傷
誰繼劉公能復
築會看汗簡共
輝光

邑人范括過廩丘

一葉輕舟穩
飄過廩丘
櫓聲

近風波昭代憂
蘆花

深處聽款乃
幾曾休

張額虞帝廟辭
雷夏澤兮河濱
爰築官兮爰皇靈

今有懷古人
思親兮知天倫
和兄弟兮宜家人
今聞不已兮
惟德之純
享予肆祀兮
萬世不泯
崇基

兮言言維松栢兮既堅挺挺兮旅極神肅然兮來
 庭載龍旗兮霓旌廣壯兮猗烝其醴惟厚兮旨且
 清籩豆靜兮苾苾芬芬神其歆兮黍稷非馨錫茲
 純嘏兮惠式均貽我來牟兮迄康年九歌一闕兮
 於薦斯牲帝子降兮有媽嬪子虞兮言歸六珈兮
 副禧玉佩兮陸離親承兮結璣與君兮一齊詢芳
 椒兮成居樹蕙蘭兮為惟諸嬖從兮邪邪離離肅
 肅兮左右攸宜內朝退兮委蛇陪黼坐兮晏娛酒
 香兮牲肥鍾鼓樂兮昭歌問公系兮治絲織玄紘
 兮垂衣相我室家兮福祿是躋九歌再闕兮右享
 元妃錦砌二室兮陶唐誰其勝兮女英倪兮天姝兮
 定厥祥有美不同居兮志同行製芟荷兮葱野八鸞
 為裳君之袂兮不如娣之袂良榆稭兮流湘南國
 兮鏡鏡御衫霓兮來帝旁何為鼓瑟兮葑房肅祀
 雖樂兮不如帝鄉桂棟兮蘭堂蒸璧兮葑房肅祀
 事兮孔明舉匏尊兮嘉薦令芳獻瓊兮承筐朱綠
 兮玄黃爛照照兮黼黻文章女心傷悲
 兮祈爾福慶九歌三闕兮媿于娥皇

范令孟之普馬陵道中

弗屋多斜曲岐路幾回旋
奇哉孫子智滅竈擒龐涓

范令郭夢起羊角城臺

良為拙思賢恨未平城
頭孤月在清夜對霜明

范邑人王輔過馬陵

是高度亦自迷
過前谿兵機到處皆天塹不

國朝高唐王子魯過漯河

雪黃葉亂下鳴殘蟬清風
送來天邊幾翻登眺發長恨
綿駒舊曲無人傳

憲副薛瑄濮陽道中口號

未立聲先蟠風霜滿面

廣衍東原境匪戕眉巔
夾堤積衝撞傾崩成大川

烈士昔魯寓仍高別代名燕
臺亡駿馬淮海渡奔鯨并食

吾聞東郡古漯源千年故
跡成桑田白雲飛來蘆捲

歲月多從馬上過勳名

誰能識極目
蒼天一放歌

尚書劉大夏曹濮間大旱遇雨萬里平原麥未收
三農憂念更無忘

坐來甘雨連宵降解却蒼生滿地愁天意豈終忘
會魏人心從此樂虞周朝廷有道休徵應疑見黃

河復
故流

張安甫過南華次前韻驅車入衛疆拂苔讀殘書
達哉南華心曠古孰與如

萬像真土直八垠一丘墟作端者誰氏胡為別
盧頰令天地量包容有遺餘不知道在初何物能

釣頰自開功利源營紛鄙夫毫末竟何得燕恥
忘溺胥門言伏饒虎朝暮勤詐徂蟠纒樂文繡幽

閒豈鷗鳧至人去已遠寔理今成蕪唯存釣臺石
清風時與俱安得起斯世偕坐談義虞作詩吊千

古擁景
增躊躇

大學士李東陽樹中餓弔義城山深雪寒路坎坷
兩死何如一生可

挑才自信不如哀君若有功何必我楚王好事得
燕才燕家未築黃金臺當時周室何為哉吁嗟乎

樹中餓死安足惜
何似西山採薇食

大學士楊一清送桑蕙訪溥還濮陽不信高才遂
陸沉果然衆

口鑠黃金蒼天自合憐孤憤白日終當照素心載
貨故知非馬援殺人原豈是曾參相留有意難為

力賦別蹕
彌感慨深

郡人劉忠詠古蹟五首堯陵萋萋芳草帝堯陵一
度春風一度青聖德

信同天廣大文章還斂地精靈降神此日寧無蕤
占氣多年尚有冀記取穀林遺蹟在赤龍常繞墓

前舜碑歷山高廟暝烟昏碣石猶存古篆痕飛動
龍蛇耿今古重華草木自乾坤託耕故迹

知何在謔呼遺風儼若存彷彿箕山陶唐一去幾
五絃琴一曲南薰肯奏古松根中無物累塵埃芳
山尚有堆地底有人輕袞冕今過九垓爲問涓涓崖下
聲蓋世高千載故事于今遍九垓爲問涓涓崖下
水幾時回釣臺東帛幾幾謝楚王遺逸偏自愛
去幾時回釣臺東帛幾幾謝楚王遺逸偏自愛
樹荒期蝶豈應通夢寐白鷗元不管興陳臺銅雀
亡書生千古尋遺跡一卷南華一瓣香陳臺銅雀
已劫灰尚留子建讀書臺銀缸清燭藏牛斗王嘔
遺香寄草萊不是五車貧苦學安能七步擅奇才
凄涼野景無人管
春兩年長綠苔

副使李夢陽瓠子詩沉璧餘瓠子橫汾懷帝歌波
仍三晉龍遊失九河宋陶公過曹濮分司見叢菊
人饒事蹟今望亦滂沱
蔓草中移之自隨有詩傷之豈以爲家物也予覽

而和之野館寒芳抱自知好吟公子發秋悲春風
世路元爽李霜露嫵開有鬢絲三嗅草萊
行復立數株車馬載還隨東籬
可謂君家物竹帛鮪名晚節垂

副使何景明東濮陽桑使君時作華州太守秋色
靜微塵過陝山河望轉新天上岳蓮開二華雲中
關樹引三秦追遊少小還今日浪迹乾坤任此身
乘興欲攀仙掌去
未知登覽共何人

郡人李贇公署東濮庠舊遊離家三十載致身登

鬢日非少累疏辭帝廷豈爲陟華要乃今理河
防曹濮路豈寫祖宗墳墓荒草草一祭醮桑梓親
朋稀安能盡呼召城市小兒童向我亦噴笑功名
苦縛人對客發長嘯公爾却忘私煌煌有明詔終
當掛冠去莊臺共垂釣寄
語吾鄉人肝膽幸相照
題宋孝子顯章雙節祠

孝烈荒祠千古魂變瞻遺像嚴生存處邊不避方
張冠地下難酬罔極恩南浦尚留斑竹淚北風常
賦古松根叨逢梓里鄉
風化絮酒聊將爵二尊

郡人宋顯章爲李太守題郡齋中流砥柱幃子爲誰

黃堂掃盡圖林萬翰墨壯規模地分龍種中流見
天剛龍門爽氣孤湖海風波推不轉廟廊柱石採
應無掉持造化須公
等何用青雲藉手扶

脩撰康海送濮陽桑華州昔予抵華原中道值喉

泉感僕馬具飢渴岸復傾又葡萄赤水東端喘
虞寇賊前候變炬明鈴折甚嚴劫所過輒與同詣
郡目頃刻頗爲使君意爲我夜行役問之道左云
三年少斯則感嘆英邁人往往有高識前年張譚
徒憑陵省城北官軍多見傷行旅况蒙蔽日日抱
茲意欲語中自嗇近逢使君歸云將上京國籍章

錯金采名家畫妝植愧我疎放久臨楮懼輕即
天子龍飛初博念矢文德司功皆碩卿明揚必精
特以君卓犖才清要立可得會當叶 聖
懷不久延淮寔何不紆素心永慰下民色

尚書王廷相酬濮陽李夢弼昔萬自京邑重與朋

路難爲期三霜轉逢麓一麾滄海涓即事既超曠
奔顛亦已疲王闔丹華流茶閣彤雲披妙思補王
袞大道協帝師愧我濁水途日暮迷去躑豈不憚
險艱空然傷明夷悲風振林壑鴻馮來已遲企念
雲中仙容微如在斯笛響感自切辭
促意彌悽申我南江調報君燕臺辭

郡人尚書季廷相至濮飲高憲長宅對月今夜月

人露華濃欲濕衣巾天涯乍對蟾光滿客裏時驚
鴈影新故國松楸非昨夢舊游杯酒感茲辰繁絃
急管高臺上欄
醉淹留萬里身

尚書邊貢喜濮陽李尚書卜隣

紫宸西畔白門東
鷄犬相聞巷陌同

家遠正須君作侶
病多無奈我成翁
池光向月虛含凍
柳意歸春弱
裊風珍重雪泥鴻
爪迹翻飛回

首五
雲中

詹事黃佐撰宋顯章孝烈祠樂章

襟人宋顯章廬
父墓備極哀惻

劉冠起所過殘城至其墓相顧曰此孝子也遂去
之雖松栢亡翦者嘗為郡庠生試弗偶以卒卒之
日妻辛氏慟哭以死自誓數日不進一粒米竟雄
經焉知州李緝上其事朝且立祠于董家口歲
歲時祀之州人倪御史宗徽俾予為作迎送神樂
章云龍逢逢兮老鯨湛椒漿兮列薦蒸玉音歸兮
敲繡張瓊瑤席兮王英膏蕭炳兮拜以頌琴瑟奏
兮雲舞南垓闕兮栢舟靈不徠兮夷猶駉泰鴻兮
燭龍響慶陰陰兮靈其有喜儻蕙帶兮荷裳又金
支兮翠旗駕鸞鷲兮靈之徠靈徠不徠兮我心志

濮山隈佳兮濮水寥次高賢愉愉兮繁孝而烈穆
並馳兮繁桓擊桑梓兮涕潏潏象輿轅兮愴容與
靈齋饗兮福我士女矯揚光兮宴娛永山則兮雲
施般姚姚兮裔裔靈向有兮激然逝塞霧殺兮官
冥冥山水夕兮含清春有蘭
今秋有菊結無極兮芳馨

都御史劉愷次李副使北王趙韻

花柳爭春色風
塵碍景明王臣

心獨苦禪客夢偏清
虜騎聞克丘河防
惡變更慈航功未滿
雙冷雪山盟

濮陽道中有

感田問種已乾道上塵如霧
其言行路難試聽瘡痍訴

御史林鈺濮陽元夕書懷

道路愁多王事稽
又逢元夕在羈栖
簡書久驚

依天末野曠乎凌落
日西長慟流亡委
血壑不堪饑饉媿
提携行臺忽覩新
春月為酒清光照
草藜郡守施德題聚秀亭
巍亭屹立大邦中
勝槩遙分海岱東
記述豈無歐老筆
瞻

依端近素王宮上通碧落雲霄近下躡清泉
地勢雄麗講肆成非偶爾濮陽從此兆三公

提學副使沈鍾三禪寺長驪駒騎指西南蘭若清涼此駐驗雙樹有知邀使

節一塵無路到禪龕宦情頗淡却教猿鶴又來參
濃月到三纜得偷閒人境外却教猿鶴又來參

郡人李晟九日宴郡齋人事天昔暗自催重陽佳節又重來江心秋影鴈初

去籬畔寒香花正開堪笑龍山空落帽相攀虎竹共登臺多慚頻下南州榻同把茱萸勸酒杯

副使錢宏濮陽元夕寺中感懷桑麻風土饒江南宦迹十年風拍浪禪心一片月臨龕新春屆節逢三五苦海回頭有二三願脫宰官依淨土文殊臺

下扣真叅

郡人高顯九日留題西堂禪院鄉國又逢重九日一博誰與共登高

黃花故向風前綻白髮還從醉裏飄息馬歸農忘戰伐解衣沾酒伴漁樵不知誰落龍山帽遠在江湖憶

聖朝

待詔文徵明寄答濮陽李伯承每向騷壇聞大雅及觀詞藻過於閑

夢中顏色空梁月天際相思日暮雲金馬自憐貧待詔龍山誰識醉叅軍新篇授贈千金重欲報瓊

瑤媿不文

郡人侍郎許成名贈濮陽蘇中丞總憲麗藻常聞晉魏風翦

平仍與范韓同江鄉陶冶諸生振棘寺雲雷非冀空清望威宣三輔動英猷聲播九天通即看廊廟

喬遷補袞功方虛席有待

大學士巖嵩送濮陽李明府赴新喻郡官出宰赴渝川祖席相

看暮雪天詞客高才能授簡美人佳政在鳴絃坐
闌宮漏催離竟折贈江梅意早傳定有天書催入
召飛鳧闕下望來旋錦袍銀燭坐賓筵風送飛
花落酒邊此夕不辭拚酩酊明朝相望隔山川孤
舟載月經吳寺聯鴈隨雲入楚田若送符卿冊封
到表江聽猿嘯此中佳句向誰傳問魯鄉皇華周
德藩便過濮陽被命辭天邑趨程問魯鄉皇華周
詩載錦囊家林看
欲近俗色正蒼蒼

尚書王崇慶懷大司馬舜澤隱居北地風雷傳獨
令東山花鳥佐

壺觴雄才不獨追韓范達世還推老莊媿藉夔
龍分八座喜連魏博本同鄉謝家兄弟人爭羨王
樹連枝
自一堂

郎中柴世雷興國寺塔浮屠特地起千載鎮東州
歇馬一登眺郊原萬里秋

知州張寰次都御史劉公古績韻釣臺高唱平生
耻事王何

年來釣此滄浪遺編尚襲南華號塵世空驚蝶夢
荒勝園斷碑猶可讀宋人佳句故難亡停驂爲復
詞前刻再拜陳臺鄴中巍構已成及此地空餘百
尺葦花子襟期珠袞袞寶僚文
物等萬萊國亡莫問三分鼎天授真隣若箕山碎
步才東望魚山共惆悵不禁斜日照蒼苔
人歸讓德衰荒原尚有白雲堆席間野老爭還急
箕上高風詔不來聲與一瓢隨近水名齊孤竹表
塵埃至今洗耳橋邊堯陵蕭蕭漢寢與唐陵無復
堯帝墓一杯猶護濮山靈聖王事業數行發棧酒
春秋幾葉黃天爲斯人標劍履穀林今見發棧銘
舜碑青山烟樹自朝昏上有殘碑古篆痕玄德栽
培由吠畝高風揖讓小乾坤報成岱嶽詞堪
函穰武燕然記莫存千載重
華聲不泯獨留遺跡寄雲根

都人尚書蘇祐九日塞上思歸漢陽西風幾見菊

秋朔塞間蘇武畫銷青海髻班超新老玉門關天

涯歸計今應晚世上浮名好是閒寄語滄州叢天

樹歌聲巖重陽後二日登丹朱阜

佳辰繼登眺天

麗叢薄黃葉飄林阜雅會易以合勝遊稀所遭曠

覽心目豁長吟情思豪村墟散煙靄談諧雜風驟

四匝俯翁蔚百里見織毫權洽曲難竟庭闈首重

搔浮景馳燁燄返照明履袍往豫戒行李還頓言

投桃歸途緩塵轡無抹申明襲○晨十步城東

陟丹朱岑土阜曠既奈錯緬暨亦幽深人事偕要

乘風一以臨晉燦既奈錯緬暨亦幽深人事偕要

約世路杳飛沉憂悴出塵遣短髮隨年侵道彼紛

華鞅盍此綿邈簪飛蓋蔭林莽行厨就釜藿肴至

弗徒設酒傾無停樹託意在東山混跡同漢陰

都御史程璿寄懷蘇尚書

尚書初度時萬福藉公

同白首千金謝客贈女芝雲開雙鳥天邊下露泥

三槐檻外垂五十餘年葦省舊猶能千里寄新詩

尚書楊傅送門人濮陽陳比部恤刑雲朔

和朔塞祥刑釋網羅魯國諸生元自別漢廷仙吏

更難過覆盆見日恩光滿寒谷阿春雨露多白

草蕭蕭黃葉暗系

乾秋水慎風波

郡人桑溥詠陳臺書院

勝會當時重艱中遺堊今

地文繼西京更有功書帶參差生瑞草牙籤零

亂散秋風椒漿特為懷賢設鷓鴣尤應得再逢

臺我愛於生遠來尋舊釣莖荒祠餘瓦礫斷碣長

莓苔夢蝶穿花去塗龜曳尾來斯人不可見汀

水自

濼洞

給事中閻閱將赴雲南請所過濮陽

驂日欲哺孤寒雲開穿黑米荒祠水隔指黃姑兒
繞十歲能騎馬僕止三人解挽弧尚賴 天王文
化遠不妨哀
美醉呼盧

關中張治道寄題濮陽桑憲長澤山草堂

文十畝名園天下聞亂水層山時過鳥栽松種竹
日停雲清朝未許終龍卧白髮聊將對鶴群即此
乾坤堪大笑洞
庭何必訪茅君

考功薛蕙贈濮陽李尚書四首

鳳飛俯丹穴龍遊
娛冥期方眇然哲人抗殊迹昭世冠群賢聲華雖
辭闕賞齊乃山泉○泉涼出山下蒲生徧汀曲波
中演漾春沙際參差綠離離映寒草冉冉依荒竹
發地闌蘭臯臨流葦荷屋○荷屋積芳馨蒲汀轉
幽敞蒼茫起溟色寂歷含秋響白鳥伊魚梁丹轡
入書幌淹留江海思曠絕風塵想○風塵謝高韻

廊廟企鴻猷適已道雖殊匡時智彌優德人鮮
凝滯大化任沉浮終參子房輕始泛鷁夷舟 貝

蘇允吉侍御

懷賞廢有餘慨平生友莛俊末路難
權愛何圖菴菴間復與親仁會知言甚合符定交
果傾蓋先民風所仰斯人固其輩鴻才何炳蔚雅
行乃翰晦官職侍從列意寄風塵外相望已勞積
辭訣能無栗差池惜良晤繕繕見交態吾衰采真
游子賢熙帝載一結
同心言當令歲寒在

郡人李鎮同呂調羹飲張郡侯思牧堂聯句

五○使君良二千開尊對明月○把酒問青天
三
幌堆細帙○蘭膏吐絳烟斯干託新詠○湛露和
當筵坐下陳蕃榻○人并徐稚賢兩岐徵麥穗
百姓感蒲鞭河漢雙星會○幽風七月篇願言禹
未照季同此
荷真詮

大學士夏公言送濮陽蘇中丞漁家傲沁園春二

首鐵筆裁冠袍繡豸雲中上黨威名在紫綬縮章金作帶增氣禦文星一點明江界○顧我非才

官典禽勲業無成容鬢改後學晚生
今有賴期遠大須君着眼驪黃外

諭德羅洪先答濮陽李明府時在新諭令林中幽鳥倦飛

還林外聞雲盡日懸江閣客來逢舊雨山城書發
入新年行將採藥依春沼病欲忘餐罷午烟却喜

山東歸李白詩
篇時出萬人傳

郡人呂調羹太和縣齋憶濮陽故園久客蕭然成兀坐故園四

首思悠哉梅花千里憑誰寄鵲語連朝只浪猜江
漢魂消三楚興鴈鴻聲斷九秋迴那堪母老驚多

病不見天
涯小弟來

郡人周顯宗過邯鄲東望濮陽何待詳魏闕實劍下長安矮屋荒三

徑新篁挺萬竿官程紛絡繹春夢
有邯鄲堂背萱花老庭闌舞袖寬

郡守楊祐郡齋自遣弼歲橋文春煖東姓名曾揭卸屏風一麾江浮沉久萬

里雲霄瞻望中此日重來真再造百年獨抱有孤
忠郡齋忽聽晨鐘發疑是飛來長樂宮○丹泉野

人木石姿服官三十髮成絲逢人相歸苦不逢閱
世諡甲錄自疑磽田猶足飯黃犢空谷能忘歌紫

芝攬衣拔劍忽自笑
浮雲四顧茫何之

翰林潘高贈濮陽蘇中丞巡撫晉陽燕晉開天險長城接大荒

典圖存帶礪夷夏限金湯聖主親推轂元戎遂啓行繡旗閃北斗寶劍射東陽萬馬騰霄電三軍

肅戩霜威靈宣朔漠鎖鑰重封疆右輔敷先集西
陲伐用張啤開魚麗美師奮虎賁強城朔周南仲

籌兵漢子房位崇中執法纓係左賢王豐草歸牛
馬穹廬遁犬羊三開銷燧火入郡富蠶桑夜月絃
歌沸秋風禾黍香遷鶯鳴細柳捷騎奏長揚有赫
龍光華無疆鳳曆昌賜衣公袞赤須酒上尊黃膺
世須舟楫擎天有棟梁五刑明折獄一德輔垂裳
步曳星辰履身依日月光烹調成門實思禮拜宸
章獨愧膺門士
燕詞喜贊揚

布政孔天胤喜蘇尚書姪漁至自濮陽見訪世講青雲

器相逢喜復棲箕裝濮水上書劍馬門西萬運
稀人跡柴扉有鳳題履聲不可聽王樹得攀躋

翰林李春芳送濮陽李明府宰新喻客秉差岑寂
隣君興不孤

樞綠情性合讎覺姓名珠雲入吳天香
山經魯道迂飛鳧在今夕尊酒重踟躕

翰林殷士儋送李進士出使畿甸便道省觀喜隨
德後

試朝未更託龍門聽采薇幾夜開樽同宦邸一
畫錦歸公暇故園相憶綸音重使節光輝
處春風楊柳正依依

侍郎栗永祿挽濮陽陳節婦鴛鴦失其侶哀鳴在
河洲豈無索群鴻願

我非其儔婉彼高君婦笄歲懷貞柔作孀君子室
永願偕好述安知所天頌中道罹此憂誓欲從泉

壤暫為高堂留貞操諒不渝勁節亦何道王壺湛
寒水皎月橫素秋載令澆源淳聿使古道修清塵

譽侔栢舟播千古令

都御史張佳胤寄濮上李符卿兼呈蘇尚書一時
詞客

罷朝天四海詩名爾謫僊濮上自來容傲吏孟中
堪與度流年閉門似厭乘軒使負郭先開種秫田

莫道尚書期不願
東山秋色好誰憐

臨朐馮惟律送濮陽龔侍御還留都王駿信宿送江阜紫陌委

迎擁節旄臺對黃龍登曉霧舟迴白鷺聽秋濤曉燈作賦催行色彈劍逢人感髮毛豈有高談鶯瘦

下即看抗送濮陽蘇大司馬督雲中山路雲塞爭看漢將施六月指揮惟羽扇三邊經畧有龍韜壘

書夜向中朝發京邑秋迴北極高去縛左賢應計日侍臣無

使聖躬勞侍郎何洛文挽濮陽陳節婦砥柱滄溟志不渝落落月倭聲斷殘角消魂鴈影孤其肯養姑情獨苦

夫初勞念母死方蘇臣忠婦節元何異清史無慙烈

都御史王緝同前題吁嗟貞叔子娥娥在韶年干

歸不五載良人後已捐懷既

誓身殉飲食不下咽言念母之贊况值舅姑瑱紡績勤夙夜霜操清且堅瞻彼歷山木松栢何森然

松栢摧焉薪所志詎能遷睠茲大河水晝夜波濤沿波濤或滌泗所志不可旋應是純靈萃所稟起

山川艱辛歷三紀頌聲中外聯執云丹書遙久宜青史傳

郡人謝榛題瓠子河漢武功維蝶遙連千樹瑛龍珠不見二潭空艾荷老盡青霜後簫管寒催落日

中白髮滄洲幽事在黃花綠酒故人同謝安自信道山劇清岳誰憐相賦工無數

峯巒秋色裏高歌相對欲爭雄寄濮陽大司馬蘇公總制宣大何曉發長安飛旌入渺漫南驅虎

策壇金鉦殷地響實劍照人寒自古邊庭計非今將相難期雲當晝冥沙草逼秋殘肅月能忘寐憂

度班銘石上晉雄圖送濮陽蘇都事之塞上九月雲中

驅騎在一戰取樓蘭去鳴鞭路不遙從戎自王粲技筆有班超塞日送

嘶天馬邊風起皂雕功成在無戰寧數漢嫖姚吳秋水

濮陽龔侍御赴南都正漫漫匣中星動劍光白帆

外霜飛江色寒鴻馮早傳瓜步信芙蓉還傍寄濮

石城看兩都賦就應相憶明月孤樽坐夜闌寄濮

陽李符卿天涯頃送客而我獨栖栖多病春花發

地接斗牛外江沅吳楚西別時霜晶風物感離悽

姜詞賦枚生近聲名潘令齊策勳省王劍抗疏擬

約磨崖虛舊題

東郡守羅汝芳過濮雪夜訪李符卿舍香憶昔共

塵各自憐月底可堪尋舊侶雪中那復計殘年黃

昏留客逢三白綠醕經寒值萬錢莫道王猷無意

興六花叢
裏摘青蓮

山人黃姬水寄濮陽李符卿吳宮麋鹿吊蘇臺東

能迴陳仲駕為官空惜子雲才桃花解覓秦人路

蘭葉元知楚客哀借問宣城高卧日澄江如練句

裁應

郎中李攀龍送濮陽李明府赴新喻爾昔紅顏客

報哀王孫一朝致身青雲裏座上還開北海樽余

亦題詩郭隗臺燕山秋色對街杯論交共惜黃金

盡此處空悲駿馬來可憐郢曲今久下首才子

吾何有文章稍近五千言雅頌以還十九首才子

新傳白雪篇江城忽借使君賢那送符卿出使東

堪西署為郎者多病離居卧日邊

藩便還濮陽漢宮春色照蘭臺符節分曹右掖開

司馬長卿詞客幸東方曼倩侍臣才

寄答符卿漢上隱居

為憶當年尚璽郎承恩清切
殿中央朝回並倚燕山醉賦

就偏憐楚客狂一日風波天萬里半生書札

歟千行由來漢上垂

郡守許棧漢陽喜雨

暑荷池散清風槐市來扇齋
沉雲閃飛電密雨絕淨埃炎

思過補呼酒訝懷開大贈漢陽祭憲長豪遊五陵
上白馬垂

早方茲極誰招傳說才贈漢陽祭憲長豪遊五陵
上白馬垂

金鞭指顧風生座招呼花近筵逢人談勃同劉君
大隱居城市

畧乘醉舞龍泉莫道燕然外中宵降火然同劉君
大隱居城市

鵬李君先芳飲李君朝鳳池亭聯句高風重可親
大隱居城市

問奇求仲徑呼酒李邕麟中上推嵩洛南州
無塵路識

產鳳麟鳴珂下千騎除道避雙輪握虎新
卬伯

焚魚舊翰臣明珠貽借潤小閣王無塵路識
歌傍紫綸

驛驢駕尊開她米春醉倚青竹杖歌傍紫綸
夜思奮

中門迥因投李捐懸發過陳會將州後夜思奮
夜思奮

已棄前新圖史開東壁簪裾拱北反龍池思奮
夜思奮

范子貧浮沉俱莫問同是太平人
塵坭

司業馬一龍贈漢陽李符卿山東李白人爭睹白
信今人可追古占詩

流傳三百篇屈宋已入漢魏譜六朝才子多綉口
遇知音却

接韻同聲空白首浮詞總好亦虛車一遇知音却
遇知音却

無有吾友亦是山東李餘作驚人四座起起醉來揮
起醉來揮

灑不停手欲往從之愧無似太呼狂走謁金門起醉來揮
起醉來揮

漢川志卷之五

詩千

來携詩過東海司寇蘇公忽三載懷思曠垠任吾
真蘭芷繁蕪入江采楚人不辨卞和王路傍爲薪
伐琪樹市中朝騎草陰驢天上暮索承明賦吾將
爲農治田禾感君終日遙相過腹填粳爛五色錦
口吐論列如懸河相對遙知
各分散仰首看天發浩歌

翰林張春送李明府入覲便過濮陽路入朝天

鳧飛處記行蹤尋幽每到竹間寺覽勝獨登江上
峯佳句得來題壁遍閒雲看去隔家濃何時君有

羅溪夢此夜
予聞南浦鐘

給事中章适寄濮陽李明府

東山題柱客薄宦到
南州多少江湖意能

忘霄漢遊別來燕草暮夢隔楚天
雲秋想見絃歌邑仍多麗藻留
還濮陽帝城西畔湧浮圖詞客相將思不孤法界
絲煙飛五鳳枕天珠樹下雙鳧論交共駐

青絲騎惜別還傾白玉壺江漢
才名多秀出風流文采似君無

翰林胡正蒙送符卿冊封德藩

王層傳青帝金函
出紫微僊桂浮日

勳畫錦荷春歸北望懷丹闕南行
拂彩衣經過桑梓地岱嶽把清輝

提學副使鄒善過濮蘇尚書宅招飲

綠野堂開濮
水湄閒評往

事笑彈碁春隨劍舄回南國秋肅韜鈴靜北陲八
座遺榮躋蔗境百年長健訪松師逢人每道多歲

微鴻漸尤
看作羽儀

山人鄭若庸至濮上蘇尚書斗望頌

滴瀉濮原經
彼廩丘乃繁

辟以媚朱絃幸張吳服用惠帝錫霜簡登之玉
 舞以北以南鷺羽載馳爰肅王度時泉豈晉有
 衍文江聲教徽振之翰穢皆詳刑棘庭于旬刑是
 惟允惟明青綬委蛇言率糾職敬厥由獄邦刑是
 弼桓桓司馬于公宅吃乃正九伐乃闕六師曷云
 峻陟績亦孔烈金城屹立王塞橫截旆委既讐盡
 幕屢空孰為范韓穆哉遐風帝曰休哉紆我西
 顧羣心自公行芑宏宇冥鴻載翔迅其羽翰亟予
 旋歸爰取丘樊考我鼓鍾說我圖史聊以永日遐
 不樂止亦有苞采翾翾爾儀娛舞在側公豫且怡
 宛其蓬桑肇維肅侯有晉維旅以踐邊豆天則有
 樞樽樽其暉曷以錫公百祿之綬匪公伊錫則錫
 之國登我兆庶臻于壽域

郡守何汝律甲寅郡齋元旦

天子頒新朔徵官寄
濮陽行春隨虎竹獻

歲詠羔羊栢酒傾涓滴桃符馮吉
祥寸心懸北闕願上萬年觴

朝城道中喜雨

青陽暢和氣征旆發朝城土膏逢雨潤隴麥藉春
 生已慰三農望因知百室盈歸來道逃者好去試
 耕春

郡人蘇澹帝堯墓詩

稽帝堯道隆千古精一執

疎耕則天懋治蕩蕩難中斯文鼻祖垂拱揖讓詢于
 我崇阜以帶以枕樞衣兢揚薦藻愨鬱蕙掩鶯
 如日如雲接吟歷山重華欣仰北面來朝精神
 不爽皇明豐祀胤永萬年欽明弗昧卧看桑田
 吊

陳思王賦

總余樂之沃若今眺顛項之舊疆遵谿

崑崙兮荆榛屬蔽而縱橫鳥雀噪於廣原兮浮雲
 焚日而蒼茫詢墟落之遺燬兮胡築此阜也曰
 予建之政封兮嘗郵城之是守也賦玄暢以表志
 兮聊假日以藏脩富八千而若虛兮秉珪璋以何
 求寬皇墳而太息兮悅年歲而未期求自試而罔
 獲兮既干將之莫讐粵絲都之舜耕兮冀讓畔而

解憂莊生綸竿其義適兮寧宗廟之犧牛中夜悒
快而挈衣兮懷禹立之足先蘭芷摧而為爨兮荃
蕙腐而不芬棟梁捐於中野兮雨露滋蕭艾而愁
歎答教誣其諫諍兮奚復筆之離群媒丁揚之賦
胎兮曹魏豚而崩分鳴鳩胡能以均養兮殊缺望
於慶雲豐殮醴於圜牢兮知非其素志也詠詩八
於胡顏兮思將為所刺也假錐囊於浪而如醉也
主之大賜也詠離騷於率畔兮涕浪浪而如醉也
騏驥兮感棠棣而切切黃鳥嬰嬰以出谷兮念友
賓筵兮感棠棣而切切黃鳥嬰嬰以出谷兮念友
生而中勞痛蓼莪之罔獨兮寬愴悅以黷銷塊然
處於室廬兮悄妻孥其誰告語屢典籍而自愉兮
高子減於隆古拔劍舞於朱虛兮三監懲尤其自
取辟田族於呂宗兮情慎憚而奚補欽志士之達
節兮奠玄酒而涕洟聞荆都之決濟兮存一木以
何支丕物化而磨滅兮行人惻惻於陳思盡聖狂
漳水兮書臺鬱而嗟峨峨於茲亂日已矣哉銅爵沉於
豆葉兮余重有

感於金

過瓠河莊留題

高情折簡放荆扉信宿
留頰未建露酒隨香籬菊

散山歌聲逐野雲飛客獻暮局松花落門對河
流瓠子團骨肉與君數世誼何妨車馬夜深歸

會丘有懷李符卿

李卿天畔珮珊珊淪落歸來杳
莫教負笈何時遊上苑驅車今

日過東山窓函詩草龍疑卧塔擁臺花鶴
自還可恨同心不同社樓遲獨媿一身閒

郡人山人馮思齊卜居瓠河

瓠河西畔結吾廬四
十年過始定居但有

漁樵相問答不勞車馬到階除開門手種陶翁柳
引水池秧張翰魚十畝綠陰清晝合南風吹冷讀

殘書

副使劉效祖寄濮陽李符卿

一代風騷老謫仙相
逢曾記十年前壯懷

日醉黃金市雅興詩歌白雪篇總為乾坤悲失馬
却教湖海羨歸船浮雲滿眼關河事莫把行藏更

天問

叅政梅守德寄懷符卿隱居

當年借寇曳文裾
魁窺人跡恨踈去

蒼烟迷極目南來鴻雁轉
愁予夢回深月山城冷
興寄江雲草閣虛抗俗自堪成
傲吏肯綠時世璞

諸居

宗室睦樛寄懷符卿隱居

青蓮居士氣如龍
對容揮毫興更濃
自昔朝中

稱吏隱于今海內屬詞宗
堂開綠野雲千疊
宅近青山樹萬重
聞道僊車游五嶽
三花巖下倘相逢

知州王嘉言郡齋思親瞻雲賦

粵聖皇之臨御
今當七歲之臨火

憫有家之不造
今遭運途之坎軻
傷鴻影之望斷
今與夕暉而俱墮
陟高岡以極目
今瞻白雲之一
朶涕浪浪其沾襟
今心摧挫如懸旌
晝挹鬱其強
語今宵寤寐而魂驚
乃叫關以陳情
今出危言以

自明一不可而再三
今判行止於一生
惟矢心之不
二今羗卒諒予之忠誠
卷圖書而促裝
今銜輪駘以戒行
僕夫候而在道
今驪駒駕而噬騰
朝發軔於濮水
今夕稅駕於朝城
涉莘野歷蔣垌
瞻衡宇
越中庭向慈闈以稽首
憂與喜而交并
母曰噫嘻
兒其來乎
吾庶幾哉
有憂以而瞻素輿
馳丹旌
乃頻踴而哀號
今恨有嫂而無兄
思競爽之未由
今悼在原之鶴
鶴旋納繞籬
譏門倚薪木具而無
毀今墻屋修而未傾
雖松菊之荒蕪
今幸三逕之可升
于是携內人而問寢
今咸與救於鷄鳴
朝白魚而夕青笋
今期其旨之豐盈
暇則簡稼政修農器
築場圃兮力穡喜粒米兮狼戾
若乃登高樓以怡情
披古書而探義
借毛穎其常親
與既斜微風對蓋
欲罷不能而眠食
及夫秋暉既斜
微風吹極
方袍角巾
西園步履聽鞭轡之音響
晞流水之泱泱
大膝小畦既漚
既滌蒼頭荷鋤
稚子供饋覺野趣之深長
儵形暢而神愜
又如天氣清朗氛霧盡
收集良朋之三五
駕輕舸以遨遊
捱歌扇兮

吹魚傍舞筵今浮鴨瀕更涼月蒲船興水慈慈酒
酣耳熱扣舷而謳其辭曰江水清兮縹流買客
痛載兮意猶猶風波一起兮可憂誰能習水兮善
泗不如陸行兮自由焉呼消息迤邐運兮平波無常
蘭桂摧折兮檣櫓久長樞或令巧兮柔能勝剛抱
甕非愚兮失馬非殃守樸一以自遠兮聽真宰之

茫秋夜同符卿李先芳副使祝堯煥陳忠翰留別

聯句晚風飄素襟秋夜愜招尋好客陳蕃榻
登樓王粲吟酒漿傾北斗詩句比南金清

白楊夫子風流李翰林循良初列傳
共知音君作瞻雲賦誰知愛日心明河低倚

席盛世早抽簪去矣看留犢
燈明遠照落日聽殘砧疲馬愁前路
舊岑瀛洲高卧穩海岱故交深

副使甘茹至濮符卿西園避暑賦得竹深留客處

會灑繁轅淚臨岐兩不任

荷淨納涼時十首池晴得月多星斗散林屋坐久
風冷冷笛聲出脩竹窈窕迷

三選沉冥愜素心披林同採藥不怕白雲深
客開青眼憐君半白頭久綠軒冕縛暫為桂松留

○一彈綠綺琴遂壓紅塵陌同調轉相親留連生
主客○休撒纜東來拂衣復西去野鶴不難馴

龍無定處有客復有酒如此良夜何風賦萬草
竹露瀉一池荷雲歸天宇寬籍息人境靜何處

濯塵纓泉流活活淨被酒太踈狂分題劇酬答
我輩非蓬蒿乾坤元納納坐對青山暮歌聽白

學長池亭無六月高樹領新涼別後寄相
思遙天鴈字遲屋梁纖月落是我夢君時

吏部張九一送符卿東封便過濮陽李白逍遙供
者出齊關開尊他日臨澗水作礪千秋指泰山春

報梅花晴雪外天垂鴻鴈暮雲間懸知負弩遙相
待不為風塵慘別顏決決東海大風哉絳節高

臨帝子臺帶繞九河趨碣石圭分一葉下蓬萊雪

宮授簡陽春動日觀探奇釋色來非
爾王門為上客何人作賦似郗攸

副使塞達贈答濮陽李符卿
寥落華陽館君才獨擅奇登壇誰大將歌

雪見新詩御李憐今日聞稽憤佳時陸沉豈綠
知爾魏鍾期○懷璧寧堪罪高卧官閒足苦吟逐

明主棄轉覺謗書深○僻容高卧官閒足苦吟逐
臣心未折秋氣任蕭森○詞人元李白傲吏復莊

周獨得酒中趣還期潦上遊荊山雙着屐
泗水並乘舟多暇殊行役何當此帶留 寄濮上

李符卿
十載逢君潁水涓別來岐路幾相知雨憐清署論心夜雪憶名園對酒時客裏空遺

潘岳巵山中一旬謝安棋薄遊殊媿會東魯空
雙魚寄所思○詩社高依日觀閑居然天地見雄

才即中句就還誰和梁甫吟成漫自哀是處青山
堪倚杖千時華髮趁街孟龍門可道多車轍何限

詞人御李來○青牛一自度函關紫氣隨君岱岳
還作賦舊曾推北海茹芝今夜慕南山深知薄宦

能摧傲轉信明震已駐顏濮上
故人如問訊冥鴻頻望五雲間

翰林李菱留別濮陽李符卿
城闕寒逾峭烟霜巖逼餘故人此為別客

况問何如拙宦存吾道為隣愜
三篋學藏書願待公門御多煩長者車布建張蠟

炬揮翰落瓊碧風月追隨慣琴鐺
隙未投分敢忘初向路分龍劍乘流待鯉魚長安

天日遠回 金陵登樓寄李符卿
截紫高樓鍾阜陰首獨踟躕仲冬天地一登臨

浮雲不散江淮氣落日平懸海岱心
青鳥漢庭仙夢遠碧莢奉洞古源深汀洲欲采薜蘿寄萬里冥

鴻正
好音

郡人少卿張登高題會臺
主人本性烟霞居持節歸來新築廬遠樹連雲

排畫嶂青山流影照芙蓉歌聲時送林間鳥
頻停花下車不是使君其寂寞從來籍弁樂情疎

參議黎民表送李使君還濮陽

黃塵拂衣歸去來
酣歌擊筑相徘徊

青山似惜敬亭別，明月况有金陵杯。烟中柳條折，欲盡池上浮萍聚。復開扁舟渺然挂席去，知爾萬

里尋蓬萊。○秋風嫋嫋吹素襟，別酒離情同淺深。黃金豈辨久客計，白日不照孤臣心。吳姬送君柳

花店，越人自歌山水吟。烟波回首題會臺，高臺何柳

首一相失，幾時瑤華能惠音。

姚壘棟宇千秋後，烽塵百戰餘桑田。移組練耕地，得諸胥未薄為囂計。因成攬桂居，心冥隨澗谷道。

在或樵漁躡履登，金馬清班上王除。幾聞猿鶴語，屢把鳳凰書。班草還同酌，徐行每當車。牛山非達

者，魯叟未歸歟。竹簡搜天祿，芝泥待石闕。文章名可老，青紫術寧疎。采藥吾將去，羅溪有舊廬。

蘇都事園亭

蘇鮑開別墅不減晋家池，明月留賓館。青苔襟履葦，綠尊携五馬。塵夢悟

三宜，惟有停雲色。街杯憶此時。

都御史張狷寄北山隱居

淮上音書久，缺裁故人幽。抱對誰問黃庭讀，

雲依榻白雪歌。殘月滿杯，草聖醉來增筆陣。謫仙老去見詩才，憐余誤入風塵裏。留滯河梁未擬回。

侍郎姚弘謨濠梁遇同謫濮陽李符卿

負才名，八斗

有三湘冒險行，蕉鹿總迷春夢遠。海鷗輕泛晚波平，青袍白馬憐江郡。紫閣金鋪憶漢京，共是風塵

趨走地，可堪握手道傍情。

推官魏允貞僕上留別李符卿

郊園隨處足，留連

花竹翠迷雙屐外，湖山清對一尊前。纔聞佳句令心醉，轉向微才作意憐。為想陳公堂上榻，南州別

去定

高懸

郡人龔秉德題李符卿會臺

齊桓當日會群才，千戰英風壯此臺。霸業

已隨流水盡雄圖空逐野棠推平原漠漠連蒼靄
幽壑陰陰鎖綠苔勝蹟豈應淪草澤遺墟未必混
塵埃山靈定有人豪出天運合逢地主開喬木侵
雲招鶴侶曲池引水種魚胎梵鐘時向林間度峰
月遙從樹杪來飲血同盟今已矣倚窗長嘯亦悠
哉徘徊剎宇雙鳥下浩瀟乾坤一雁哀入夜星河
常拱碧欄隈不有高賢關麗景誰能解地見蓬萊
平臨碧欄隈不有高賢關麗景誰能解地見蓬萊
元夕集李尚寶宅話舊
宵與灑然火樹飛烟來遠
市水輪漾彩接芳苑漫憐白首論交日却是丹
心報主年且對故園尋樂事春來須辨買花錢
郡人蘇濂陳臺吊陳思王賦
賈初之故疆壘壘
而蹇產兮瓦礫莽沒而塘榜面墳行之廣陸兮黍
稷盈疇而歲豐浮雲連卷以四馳兮蔓草零露而
裊瀼慟達人之不辰兮悶奇思而莫通壘壘以
窮蹙兮恨失時而無當軫人代之倏易兮睠故宮

之次濼襲長夜之悠悠今去白日之昭昭將代
以熙載兮奚戴蟬而珥貂竟埋玉以齋志兮徒待
徨於山椒心休側而震盪今何所憂之鬱陶願一
見兮吐胸臆靈倘恍兮不可即涕淫浹兮霜衣
晉亂兮迷感原野閱其無人兮風慘慘而蕭瑟度
巫史以筮予兮掌夢琬帝以來格秦篝齊終與鄭
絲兮招具該備而無數始傳喻於四方兮終歸來
兮像室二八侍宿以遞代兮媵容盛鬢而色澤蘭
膏華燭而相錯兮飲酒娛樂而罔極儼佩長劍之
陸離兮威儀棗棗而可則荷裳兮蕙衣霞為御兮
雲為旗羗容與兮水際倏而騰兮山之丘隗獨守
此無聊兮俯豆箕而齋容循峭岸以遠迴兮忽悒
悒之不平意初但而能際兮足越起而屏營誦理
篇以沉顧兮積憂思之弗寧感取齊與分晉兮言
纒纒而有徵固匪文墨之是務兮奚但杯酌之能
勝屢表試以見志兮君門遠於萬里猛大信狴而
迎吠兮關梁閉而弗解玉既忌才而相形兮讒佞
盈庭而日毀維賦詩以吁嗟兮日將不利於孺子

詐沉酒之足樂今乃假此以免禍泰伯斷髮於荆
 蠻今表刑餘之在躬季札遜國以避難今延陵終
 身而素封胡崇飲而自廢今有所託而惜惜雖三
 子之珠軌今聿跡異而心同鴻鵠高翔於雲漢不
 燕雀啾啾而弗喻也君子舍垢以處屯今時示其
 知其明夷之故也委薶藥才以汨沒考夫豈誠此
 讓位女無美惡考咸八宮而見妬也乃故犯此明
 戒考孰謂明哲之務也讓以天下而民無稱考斯
 亦至德之度也鍾磬表文章之聖考靈運稱八斗
 之才竟龍驤於藝苑考終虎拜於堯堦考等山嶽
 足崇考陋釋氏之劫灰遺芳躅於來茲考抱遺文
 之崔嵬嗟敷子之么麼兮同朽腐於草萊考味招
 於空谷兮背悲歌而徘徊兮差潤毛於蘆菜考
 魂乎歸來親鉛槧而長
 誦考効楚夢以寄哀
 原突兀如魯嶼為言板築自何年云是諸侯會盟
 處憶昔春秋吾道窮射王問鼎多奸雄大雅不作

題李符卿會臺

高幾許平

王綱絕軟血相要伯業隆盟主一言誰不聽齊桓
 晉文最疆勝王帛不趨天子庭賞誅盡是諸侯令
 莊公十四十五年于郵之會何拳拳千羣虎放屯
 青野萬隊霓旌拂紫烟豪華銷歇那可道荒臺落
 落博雅蚤承恩符璽同劍珮春風自綠郊原草李
 典學稼焉能向魯原買田新傍臺之曲大挑穰
 李花如簇何時載酒命巾車與君吊古還信宿

山草堂題贈李符卿

結廬控廣野開選臨迴路曲

峴層簾輕雲帶遙隄喧囂遠城肆閑寂航叮哇悠
 哉漢陰灌淪然谷口棲菟柳雪玄蟬叢篠鳴莎鷄
 寬鷗薦羨弱歲龍驤憐淖泥蒞薔茁綠吐桃李繁
 成蹊薰葭誦伊人考槃欽幽
 棲包荒罔疎劣采菲儻提携

郡人許玠暮秋過陶丘

殿古丹青落臺空鳥雀鳴
門前震樹合溪上一僧行

開梵逢秋爽焚香坐月明
誰同許玄度來此學無生

郡人蘇守毅由易州還濮陽故園作宦轍東西幾

始樂閒居園開十畝分花徑竹種千竿護草廬不
惹紅塵衣上染儘教白髮鏡中疎杖藜時過溪橋
畔獨把綸竿學釣魚

郡人桑紹良濮上送八兄歸襄陽葛公祠下柳如

別離荆襄未去數千里兄弟歡娛能幾特別後更
勞池草夢筵前賦鶴鴿詩思君願比瀟湘雁明
歲還過濮水涓

主事李齊芳至濮陽飲符卿西園留別簿書三載

訪仙舟憇野軒已見詞章追漢苑偶持旌節過梁
園西郊乘興花千樹東岱憂時書萬言計日長安

應舉首還期
月下倒青尊

翰林胡汝嘉人日過濮陽訪李符卿山莊留飲魚

仙班玉殿東天涯聚散幾飄蓬平生已分雲山隔
此夕何期笑語同鬢短不堪經歲政舌存猶未恨
途窮故情且付霜天飲握手論交月正中

叅政陳文燭寄懷李北山隱居白也逃名日匡山

風遠道寄雙魚日暮空相憶風流
更孰如乾坤真納納那共水雲居

山人沈仕九日宴李符卿山亭肅肅婁露零飄飄

實幽葩發緹蕤嘉此季秋銘聿為高宴坡塹荒輟
奔馳嶺峻息攀躋突屢闢綺構紆楸敞鏐池護洞
繞芙蓉阿閣出虹霓涼陰結虛綠霽權散浮縹廣
遊薦醇醲克徂進豐肥繁絃揚俊音曼鬢集冷姿

匪畏景迥亟但恐杯行遲况餘友于樂足聲同類
嬉曠跡各悠悠懼情共怡怡百齡殆千齡從茲永
若**寄懷李符卿隱居**北阜擅才哲東維砂郡城夜
雲流海色寒籟洩天聲劇舞

疎狂發豪吟慷慨生長
風吹月起何得酒同傾
帆南下雪紛紛到來空對
蛾眉月幾見花開鴈不聞
懷濮陽蘇都事濟水西頭
憶別君雲

翰林沈懋學寄懷符卿隱居謝眺滄州趣風流四
海知其棠遺舊愛叢

桂繫遐思月映昭亭迥雲生日
觀屣龍門千載意不負故人期
次韻答符卿長日

對遼峯避世今將伴赤松
自識烟霞秋色老從教
森李露華濃孤桐去就堪携鶴
雙劍雌雄欲化龍

取謂山中忘祝頌
明良千載憶相逢

中舍王淑贈答符卿李白才名天下希舍香曾賜
漢官緋蛾眉不覺生人妬龍

性選應與世違瑣闕侍臣從此去濛濛遷客
幾時歸祗今流水憑誰識肯向浮雲問是非

知府王廷幹訪李宣城使君一別潯陽年鬢侵停
雲回首思難禁月卿

不作循良吏澤國何緣撫字深
交誼殷勤知管鮑
贈篇佳麗邁高岑
豈言雪夜山陰道
十載王猷抱
心此

山人裴邦奇寄濮陽張使君蕭蕭華髮卧蓬廬千
里思君積歲餘黃鳥

春啼汾上柳錦鱗時寄濮陽書
停雲海岱天應遠
結社漁樵日已疎
聞道東方稱郡治
漢庭蚤晚賜
車徵

山人宋登春自楚歸訪李少卿於濮上十載南冠
學楚吟半

生踪跡任浮沉
秋風客路馮驩
斂暮雨山堂
叔夜琴
濮上故人聞獨釣
山中叢桂得相尋
歸來不惜

黃金盡易水重過濮上同贈李審理昔別是何日

歌殘壯士心春遊尊尚在夜醉榻猶陳有子能傳業

無金不是貧十年漂泊意老去誰論

副使余曰德懷寄符卿隱居得清朝日故林天遠

南州懸榻夜月明東魯汎舟心五陵誰道春常駐

雙鬢從教雪易侵最是柴門江渚上經年書札憶

沉浮

長史高岱題會臺勝地開東郡高堂控濮陽逶迤

古芳名重此鄉傳車陳王帛帳政集冠裳自煌群

雄迹仍為百戰場霸圖沉水盡遺恨野雲長人世

迴滄海山靈引鳳凰昌期逢聖代景運屬賢良

竹樹開新野林臯闢野堂村疆分井里屯戍化耕

桑吊古舒懷壯探奇發興狂送李符卿東封便還

品題多麗藻丘壑有輝光

濮陽李白騎鯨已偃去却令千載留芳塵長篇大

鬼神只今山東李生亦奇士風神氣格何嶙峋等

閒咳唾盡珠王醉中自許云是謫遷之後身岸憤

四顧傍無人王公貴人不敢嗔我亦江湖散髯者

-5 245 45 900" data-label="Text">

漁釣荆南洞庭野昔年十五二十心何雄擬將六

蕭相北望雙龍閣盡盡雲山千萬疊
天南地北在須臾
慷慨當筵雷壑缺酌君酒與君別
中原萬事總關心千里送符卿
弟仲連還濮陽寒風朝霏

射之子胡不居春言邁東
驚難離墳笮聲宛宛都亭下酌酒
叙中懷携手不能罷芳草忽以摧幽蘭紛
可藉遙遙斷車塵成感返客舍寒余誰賦
姜春草仍憐謝雲間有孤鴻嗷嗷鳴中夜

府丞孫允中送符卿弟仲連還濮陽
王壺攜美酒

驪歌兼雪調鳳管從霞觴
况值瓊瑤舞鳳飄獨沾
裳高堂千里夢遊子九
迴勝此情照流水看之兩
心傷心傷苦延佇歸路
正徬徨晨昏何所恃阿兄
符璽郎青春早來旋緩
草慶年芳並駕雙龍飛雲

問恣
期期

評事陸東同前題
長安歲晏寒愛弟濮上別朔風
吹河水天長選馮滅執手一尊

酒鬱勝九迴結道傍連枝樹
下雙涕雪勿以離群苦感念
情稱切因聽原上詩使我亦中熱
知州揚于庭濮上歌
吳趨隔江向齊謳阻山阿四
自有始請從帝丘起帝丘何
鬼鬼筆跡顛項氏欽
明放勳烈陵墓歷千祀三舍楚
師憐一匪野會美
桓文兩創霸經略咸自此晚衛
卜遷吉崇墉積百
唯延陵為歌風其國多君子越
茲彌未代賢哲難
勝紀達哉漆園吏把竿釣清池
亦持七首才曾
寧論死汲公震漢廷挺挺光青
史思王八斗才曾
此剖王璽節義平唯張科名文
陳臺我聞曹子建
定李我登昆吾臺長嘯何能已
陳臺曾此郵城侯
八斗空雜藻千年只廢立巖花
還自發釣臺讀罷
山月為誰秋把快陳臺下何人
依劉釣臺南華
意渺茫釣臺臺下即滄浪春來
浦漲依然在人去
漁磯半已荒潑潑不知魚自樂
蓬蓬真與蝶相忘
前身亦是逍遙吏
行郡偶成秋深租吏到稀林熱
夷尾何時謝楚王

夷尾何時謝楚王
行郡偶成秋深租吏到稀林熱

隔牆携酒至蒲荒深澗打魚歸背人野雉驚還歇
擁樹山雲黯不飛田父也知留皂盖向余颺指蔽
初光岳樓高閣凌空壁渺然登臨分五嶽懸關開
萬家連魏博舳舻千里接幽燕
風尚駐輜軒使杼柚東方亦可憐

郡副使陳忠翰墓
言赴穀林陌魏然視老陵

勒石餘幽碑芳草連荒歲時狄祀典
古寺護山靈誰謂非蒲發闕未可憑
帝事業稱魏明揚方未際發積何側
南畝讓畔風依歷山秋草沒禋祀古廟遺有為
當自奮顏箕山一壺重千金所貴吾有身軒冕是
代豈我欺箕山何物六合盡埃塵樓榭在箕山古
蹟今未湮棄馱迺泝水洗耳風釣臺周道方解紐
尚聞于斯不振厲尚友殊翩翩一慶蝶翠蹟任浮
萍此人難再得釣臺猶可憑煙雨微茫日忘筌今

古陳臺子建在建安何獨七步文敏矣而好學
中羅典墳竭來登此臺

胥淪沒八斗竟莫倫所
以志士苦文章歷青雲宋孝子祠宋生有至性不爲

已爲廬依親塋巨寇仰高躅間里屑以寧有妻化
刑于殉夫非狗名網常由此振何事榮褒旌肆祠

載激羣情執李節婦婦人從一終所以重綱常有
失伉儷矢志何貞良下有三孩提上盡賈商一朝

孤養其母苟生亦何傷其如家道艱阿姑生他腸
弱質難自持逼我他所料鴻鴆豈再偶殺身殉夫

傍造物何冥冥日月垂末光在賤不忘夫死乃處
華堂聞之共酸

鼻揮筆頌短章送使君王慎齋還瀛海孝子得王
衛疆心平政自和道在勢能忘杯酒時招尋廢和

累篇章約已而近民撫衣秋風稟豈日三經荒舊愛耿不磨
母在高堂拂衣秋風稟豈日三經荒舊愛耿不磨
不爲觀甘棠相送河梁上涕淚各霏蒙瀛海棧威

鳳何時
鳴高岡

叅政胡直送李仲連還濮陽

人生苦乖違無論
及弟當此嚴風晨胡

爲生遠思轎車送城闕執手冀迢遞借問噴者誰
齊國有二士辟彼雙靈鳥奇毛各有異一飛耀天
衢一卷靈雲翅會短別欲長那能判衣袂嗽嗽
鴻鴈音聆之不能睇莫辭行路難君有垂天翼

布政侯一元題會堂

深灘辦劫墓不知年跡
濮上好山川區中偶勝綠池

東州勝名從左氏傳龜跌元伏地蓋背欲支天海
近雲長積山空月可憐鳥啼春寂寂人去草芊芊
夫子關東傑曾開負郭田高名馳北海逸興擬青
蓮探擷芝三秀經營屋數椽憑高特展眺懷古思
悠然長畫依林息芳春藉草眠錦囊時得句金匱
日抽玄却意爲臺日遯思歷代前寧惟萃文物自
此闢戈與事姓名空在年深燐不燃周秦如傳舍
漢晉等浮煙子建才何盛書臺迹尚鮮感心成曠

世撫事若開先一入金閨籍長陪玉署仙江湖情
自遠霄漢夢常懸幾賦思歸曲時題桂樹篇錦旂
還建節珍席且乘便蘭茝承幽佩棠梨作釣舷鳧
翻仙吏寫魚趣子牙絃把國憂仍壯萼羨曙或偏
願持五色石長馭六龍鞭閣峻凌煙上

堂開綠野邊功成應有日未許慕林泉

齊魯多奇跡野城會有臺當年
空戰伐此日已蒿萊子建不可

博士文彭同前題

齊魯多奇跡野城會有臺當年
空戰伐此日已蒿萊子建不可

齊魯多奇跡野城會有臺當年
空戰伐此日已蒿萊子建不可

會心處選勝草堂開

齊魯多奇跡野城會有臺當年
空戰伐此日已蒿萊子建不可

建康陳芹同前題
高臺屹嶧摩青空傍匝古木生
天風烟中樓閣玲瓏起應有仙
駕回蒼龍昔聞齊桓譎智傾列國會盟臺上吐氣
爲長虹又聞恩王才藻爭七步讀書臺下文錦倅

天工千年蠹簡今滅息貌貅百萬亦無迹惟餘修
薄帶清渠昏野雀何秋卿李侯意氣驅今古心
竅藏文磨藏武蚤年豹隱此臺側隱有聲名動齊
魯近游天門職玉符退食登堂形影孤唯以平生

直氣寡所合問奇門外往往來文儒夜夢登臺撫
碧松朝瞻丹闕心中放情不辭舉一斗屈志寧
肯爲三公飲君美酒爲君勸誦君高辭爲君美待
君麟閣成名歸有時寄語會臺老猿勿啼鶴勿怨
司業陳謹送李仲連還漢陽相屬貞姿妖風露秀
異窺亭毒四布螭璠虬上棲雙黃鶴密葉雪中翠
滿樹堆寒王橫立北堂前亭亭森若畫昔聞燕山
翁玉桂競秋郁亦有相公槐清陰當書畫覆愛爾倚
雲擺古今稱喬木何如珊樹枝連拳逸絕俗繪之
丹青圖把翫耀晨旭持以贈美人惠好結中曲東
土通扶桑陽和氣先淑浮液歲滋榮春歸上林綠
山人徐孟章花下留別漢陽所知殘春惜別各歸
花濶上行吟暮
景斜萬里漂零常作客十年歸去已無家星邊一
劍心徒壯海上扁舟鬢欲華若到衡門翻自笑依
舊篔簹
舊生涯

石依然尚可憑箕草映堦春寂寂茅茨蔽屋石層
層雙厓龍掛高松樹孤塔僧然長夜燈明祀九原
歌帝德放勳舜廟歷山高枕瓠河偶遺廟千秋壯
千載佐中興板圖土俗至今還讓畔居人猶
自說成都重華遙想風雲會玄德空瞻梧馬陵迴
月堤欲弔相靈無處所海天愁思隔蒼梧

遺蹟遙傳瓦屋頭昔日孫龐會決勝只今草木尚
含愁不知七聖皆迷莊子鈞臺漆園爲吏早知歸
地猶自停車吊古丘濮上垂綸願不違
浦樹千秋依斷岸汀蒲一曲帶斜暉掉頭往事隨
流水曳尾何人問釣磯獨倚南華臺上望迢遙天

鵬飛子建讀書臺城角巋然土一堆當年子建讀
書三分禹涕無遺址七步歌
殘有舊臺萋萋何妙宗社忌伊吾不盡水寄題泉
雲哀佳城只在魚山下千古招魂寄草萊

雲哀佳城只在魚山下千古招魂寄草萊

雲哀佳城只在魚山下千古招魂寄草萊

上贈周漢中

因懷大隱者遙寄小山篇習靜常依市為農不在田谷神似籛載冊染羽

石忽中開興極魚偏樂機忘鳥不猜花呈君子色

林雜豫章材時有清風至羲皇白日來○臺樹枕

泉流烟霞足勝遊林深疑伏鳳波靜見蒼蚪上客

桃花馬仙人蓮葉舟不能追逸步夢繞白蘋洲○

言念桑榆景寄情山水間開林引蒼翠留客弄潺

池亭秋正好棹月幾人還

邑人謝註武溪閑居七里平沙過武溪山堂近在

武溪西秦遊却柅連朝兩水

吏部嶺南黎邦琰過訪濮陽李符卿陶丘遙指促

宵奉笑言道在自堪推大隱代興誰復問中原歌

聲春散西園燭花影寒翻北海尊十載通家慙丁

浸大堤

滿溪橋

走可因名

姓托龍門

郡人蘇潢登昆吾臺懷鴻石伯兄春暮高臺上斜

待明月無夢到金陵江水濃於酒官

衙冷似冰池塘芳草遍吟賞憶同登

郡人蘇本陳王臺送別黎瑤石秘書還嶺南黎君

賦歸來白髮孤征亦壯哉海岱倍增山水價幽燕

猶望廟堂才暫停萬里鷗夷權共眺千年子建臺

家在羅浮無雁到家在羅浮無雁到

會臺吟社詩石光霸業遺丘在山翁卜築餘松篁

相掩映溪壑敞清虛昔作冠裳

會今為水竹居豹文蘇梁伯業荒臺古高人愛結

開小洞澤霧尚斑如周蒙

窓虛蓬島誰堪羨桃源或可周蒙

如游觀情未已頽色下庭除

野陰陰喬木挺

千章蛇虵藤蔓迷幽徑歛澗湖波接大荒子建頌
封留井邑齊桓盟會有冠裳雄詞霸業俱塵土更

喜山翁 **彙正行** 會地遠訪讀書臺賦久湮墳典垣
結聚草萊平生懷 **王九臯** 霸主同盟古會丘高人

空意落日尚徘徊 **王九臯** 結字為尋幽窓橫劍氣
古香漢橋引虹光貫斗牛千載雄圖遺勝事一時

吟社擅清流讀書臺畔登臨處風景依然是郵侯
風雲氣千載還成翰墨林莫是

許如松 會丘臺迥畫陰陰古栢蒼藤曲徑深威鎮
山靈歸地主由來天地有浮沉

郡人李同芳題圓覺寺壁 山僧能好客招我過東
樹陰波羅沾法界潭月靜禪 **同李鴻臚宿會臺山**

心向夕淹歸騎同馳鐘梵音 **同李鴻臚宿會臺山**
房松竹鬱青青交加蔭茅屋之子有好懷就我花

閒宿濁醪出速村幽人卧空谷明月照高林停

寒菊 杯喚

開人韋士登過漢贈李符卿 洞入蓬玄天際逞美
秀石攢成錦水上仙槎疊作橋點筆漫題鸚鵡賦

隔簾徐引鳳簫賓朋四海原非偶莫負初陽酒
滿瓢 主人開闢樂清平快觀芝蘭繞砌生護說

建牙推上相久知簪筆屬長城寒風對酒銀箏按
曉月衝梅盡角清聞道壽筵

收鶴瑞早登黃屋贊承明

邑人張調辭余督學詩 調范縣生員入試小犯余
重責之以詩書卷面置儒

巾几上脫然而出詩云成蹊桃李被春風獨有幽
蘭泣路窮久誤青袍今解脫別尋池館種芙蓉後

校見同郡李少卿又詩云蘭抱幽人操托根冥谷
中不言如桃李蕪沒怨蒿蓬冷露咽微香托根冥谷

秀容陽春去不歸百憂鬱以仲嚴冬殺豐草綠豔
將枯槁若得植名園感恩良不少後竟不知所往

詩序

詩序

詩序

詩序

附知州楊枯靜觀亭全文峰施秋卿對月因憶二

峰蔣侍御弦月今宵滿離人此度看色舍杯筆潤光借竹松寒天上團藥易人間會合難

南陽視齊衛
千里一悲酸

郡人李朝鳳潭南卜居久愛潭南好如今始定居棲遲心跡迥薄芳友朋疎

門植陶潛柳池秋范蠡魚
壯懷應未減不著絕交書

山人宋賢題會丘寺紺宇境長山客自憐尋春攀桂嶺寂青卧雲巖塔影

崔嵬上鐘聲杳靄鶴從雙樹覽勝自九華還竹
徑風初定松窓月正圓渡杯山下僧入室野猿牽

劫火烘茶竈曹溪灌藥田摩崖烏唱跡拂袖帶輕
烟歲月悲流水鶯花遍暮天清瘦古有路濁世定

無緣詠羅別支遁歸來遇謫
仙聊將塵外作留與世間傳 都應

郡人教授陳忠諫輓節婦女弟阿妹值早孀為善不近名絕粒替連

死為姑池此生高氏無以養相倚來安庭事姑不
遺母承歡得雨情在苒歲月馳金石未艱貞薄宦

予栖柏舟汝作型
非班孟堅托以大家聲